

冷然齋集目錄

卷一

五言古詩

卷二

七言古詩

卷三

五言律詩

卷四

五言律詩

五言長律

NATIONAL CENTRAL LIBRARY, TAIWAN, R.O.C.



卷五

七言律詩

卷六

五言絕句

七言絕句

卷七

七言絕句

卷八

七言絕句

臣等謹案冷然齋集八卷宋蘇洵撰洵字召叟山

陰人右僕射頌之四世孫宋史頌本傳內不詳列其世裔故生平無可考見陳振孫書錄解題有洵所著冷然齋集二十卷亦久亡佚惟宋人坊選之詩家鼎鑿中尚存其二詩而已今從永樂大典各韻所載採輯排比共得詩八百五十餘篇且即詩中所自紀參互考之知洵少時即從其祖遊宦入蜀長而落拓走四方曾再入建康幕府其書懷詩有云昨蒙宗公置牙齒事下丞相當審覈駑才不堪駕十乘爍火或可繼殘夕則嘗以薦剡得官而

終偃蹇不遇以老生平所與往來唱和者如辛棄疾劉改之王柟潘檉趙師秀周文璞姜夔葛天民等皆當世知名士其宦蹟雖不顯而為勝流所引重若此則其人亦概可見矣集中又有送陸游赴脩史之命詩云弟子事先生卅角以至斯文章起嬰慕德行隨蕭規是河本從學於游詩法流傳淵源有自故其所作皆能鏡刻淬練自出機杼上承江西之格而稍變以清妍下開四靈之派而不入於寒窘在江湖詩人中可謂卓然特出者其全

陵雜詠多至二百首尤為出奇無窮周文璞為作跋以劉禹錫杜牧之王安石比之雖稱許不免稍過要其才富思精實為一時之秀惜原集久湮錄宋詩者至不能舉其姓名如集中姜夔輓詩末章元陸友仁研北雜誌引之以為蘇石所作近時厲鶚作宋詩紀事遂分蘇河蘇石為兩人是必原書題作蘇召叟傳寫者脫去叟字又訛召為石遂至輾轉沿訛莫能是正今某本復出得以訂定其謬繆於考證異同亦多所裨益謹分類編次勒為八

卷用備南宋之一家焉

總纂官侍讀 臣 紀昀

臣 陸錫熊

纂脩官編脩 臣 周興岱



國家圖書館, NATIONAL CENTRAL LIBRARY, TAIWAN, R.O.C

冷然齋集卷一

宋

蘇

洞

撰



五言古詩

夜讀杜詩四十韻

夜讀老杜詩如對老杜面此翁歷艱難往往詩中見曩
 吾游川蜀所恨年數淺草堂聞無人正在成都縣斷碑
 蝕苔蘚捫讀知幾徧尋思隱其下終日弄書卷庶幾平
 生心所得未應倘親庭宦行在歸計乖初願言瞻浣花
 里卮水乃缺獻人間畫圖樣皮骨在豐腴京華四十載

NATIONAL CENTRAL LIBRARY, TAIWAN, R.O.C.



有集 卷一
一
褐短更驢蹇至今彼堂上脣綻齒微現獨餘雙眸子利
若秋江剪因何太瘦生貧賤恐不免耒陽一齋炙飲食
知味鮮後人美肴膳出語穢蝦蚬那知獨角龍妙用天
行健至其得意處力斡造物轉神雷破潛穴霹靂飛兩
片武夫荷戈戟颯沓旗鼓偃蛟鼉吐波浪宗廟羅蔽冕
鞭車甫平陸梯磴忽絕巘又如虛空內一氣互游行有
足恣馳驅不行渠自遠蒼茫鬼神會慘慘顏狀變春榮
與秋悴時節隨晦顯鳳鳴朝陽桐諸鳥徒巧嚙闌畦樂
不淫小弁親不怨此身付天地寧作青紫檀低頭向巖

武陵辱非所便百年稟忠孝句法老益練君看夔州作
大冶金百練麟經示褒貶比物足懲勸蜀山摩上天蜀
水下如綫山川蘊精異翁句麗而典荒郊夜徂半隅巷
聞驚犬分明夢見翁握手一笑倩殷勤得軟語意若深
予眷文章致隆貴唾點到群彥何當同宗文相與攜筆
研

寓言二首

精神徧八荒一散或為風堂堂世之人柰何總虛空我
無騰化術正爾不能從回視方恍惚老子其猶龍

函關度青牛生在空桑中藁砧未刀頭妾身變山峰三
年化為碧是血本來紅古來埋直氣曾見吐長虹

口占

士生弊於文其實乃無用今年州縣閒朋友多不貢枯
槔旱而工已得輕抱甕大舜舉皋陶乃曰選於衆

題樂城第三集

百金買一書我心胡不喜自朝至日暝耽玩無窮已復
慚文未老年既三十四更後四十年未必辦茲事

擬古

曾城上岌堯樓觀切星辰其下視九州我行屢秋春道
逢芳美人遺我芳蘭蓀蘭蓀不可佩飲水代朝餐仰看
雙飛燕起勢何翩翩顏淵稱賢者樂在簞瓢間美人舍
我去此去何時遠怵怵思徒抽惻惻聲獨聞

見懷

顏淵樂簞瓢曾子曰三省閉門謝往還安此寂寞境閒
來愛我地止渴望梅嶺元談破月脇心對日光炯榮枯
百年事如一彈指頃吾儕各老大妙契形問影回味久
乃知酒固不勝茗

吾廬

陰陰處士廬寂寂閉門居頗安顏氏子敬謝陶胡奴可
使龍作魚不使馬為駒詩成有奇氣浮雲時捲舒

郊行弔古呈友人

荒齋讀書罷出門步青春春風扇微和冠者五六人登
高恣遊目行邁靡其因平湖半疆畝王謝亦齊民父老
談古先觴客酒濡脣歸同牛羊夕懍恍難重陳

春日獨居感懷

昔我金陵歸感此芳歲闌入門見兒女愧色蓋愁顏從

人竊餘瀝俯育良已難居者瓶盞空行者衣裳單豈無
一盃酒持慰汝荒寒所知不相待各去為蒼山我生轉
無聊終日自閉關門前春風來草樹向凋斑舟車載游
冶類聚極相歡而我懷所知所得心未安晨興亦扶杖
十步九思還言瞻山頭石安得知汝頑

春歌

山人昨日到野裳連夜開啼鶻背山去流鶯度水來草
長留欸步花殘勸餘盃于鳥早復暮行坐摘青梅

奉謝唐子者及兩馮君載酒寵臨借屋

年事半七十躬耕吾本謀讀書詎云然乃與世為讐維
我先人廬雨風行蝸牛假此以適我得無歲云周永懷
鵠有巢寧久居夫鳩食飲所不忘歸焉買林丘進退孰
我能萬閒子無由愧子撫我厚感子非有脩

奉寄子高盧兄五十韻

君才如驪驪道里未可量讀書串瓜絡如海東赴洋五
年隔異縣信若參與商昨者戒車馬故意改未嘗我家
小於斗下榻出蒼黃繩樞三椽共君視猶雕梁貧又少
甘脆而君甘批糠晨與鳥鵲先夕憇星宿張上言體全

玉時節登冥唐下言復家世努力事文章瑣細及兒女
骨肉誼莫當君來歷州府所在諸侯良肝膽皆善子子
去錐脫囊問胡獨善我風雨渡錢塘我時熟君指又不
羅酒漿何況動鄰里磨刀向猪羊青燈兩夫影陳義勸
交相謂言經時留十日又理裝但攜本經冊沃州山水
鄉子寧舍我去我意未子忘相逢一歲短相別一日長
何緣子吾所不然我君傍君雖老馬咨今乃驥服箱刷
燕日千里闊步徐康莊江水有時西東下斯濫觴龠龠
至澎湃穿溜極懷襄死生渠有命貧賤士之常孔融委

曹操汲黯卑張湯人生出處分榮謝均陰陽念我懶拙
病久已在膏肓此方困憂患懲艾百戰創安時處而順
天道不可詳魯連蹈東海屈原賦沅湘此志竟未遂
眼看都茫茫君懷萬金產待價空四方古聞韞櫝貴世有
則足傷藍田種洵美死鼠名須防魯方秉周禮漢亦絕
楚糧易求哥舒翰難覓張子房英雄出儒素金印垂欄
裳吾祖元祐末奉使讐戎羗子孫失遺武史冊無晶光
君家著膽略並驅從兩狼彎弓射敵手滅敵使走藏此
事屬乃翁翁今膺力強問翁來何時九月天兩霜此時

君適我促膝話繩床作詩致近訊願子益自將君看繞
指柔會作百練剛豈云建厦缺期子柱明堂

次韻賴叟弟耕堂即事三首

聖賢畏虛名蠻貊有誠服仕雖志溫飽鮮不餒其腹爾
來讀書者忘意天雨粟東皋春一犁往哉駕黃犢
耕田無可田耕道豈得道物生豈區區天意非草草林
茂鳥知歸水清魚惡擾勿謂小人哉請學樊須老
儒冠誤終身其始從上士頭白賦歸來不腐已其次我
今戒兒姪萬卷勿雙耜向使微阿連幾敗乃公事

江上遣心

風帆等駿馬突出不受羈
群山望如豆轉眄羅窓扉
頃居長安城小駟驅以馳
塵埃困煩促滯留費憂思
不知葭葦鄉閩此天地奇
鷗禽亦佳尚潔身固我師
下上萬頃光夫豈矜其私
物生各有適我適君無之
掀髯倚柁樓一笑了百癡
商歌詎成音逝者方如斯

題松鶴

鶴鳴松樹顛人行松樹下
人禽兩無屬徃徃俱物化
明日還獨來寂寞青松夜
擾擾征途間誰是知音者

晨起長哦後山秋懷十詩飲水一盃清寒徹心

長哦十秋懷清韻繞屋梁
曲逆有餓死英布刑而王
向來為長公甘受三徑荒
一身詎無餘百年信難量

邊頭歎

邊頭奏涼風戰士送寒衣
北征夏徂秋君王虛六師區
區彼敵人授首豈無期
冰霜揮戈甲勇憶臨去時去
去思樹功寧復顧家為指揮
在將軍坐作看旌旗謂是白
沙漠那知青草波當時均死力
願乃用之非

春日起晚

春風散百物和晚氣難清晨衾四肢倦欲起還不能展
轉卧成晏起聽百鳥鳴幸然無公事且復寡經營妻兒
悄不喧日午閉柴荆羹魚就鮮買軟飯熟香粳雖無愧
茲食賴爾王化成出門步原田最愛莓苔青半生果何
為悔不學躬耕把鋤如把筆冀獲尚何曾還復茅簷下
所思良友朋青雲固云樂倚仗諒難明那無託哀懶緬
想川上情物我均所役聊復安其生

次馬季思十韻

巷內有佳人其志介如石沈酣數千卷徑草無行迹秋

清入肺胃籬落牽牛碧詩成錦繡段裁剝非刀尺如聞
急徵召厚甚帛加璧毋庸北窓下細字朱黃釋嗟予世
無用痛飲時墮幘思君不相見誰與浮大白中年朋友
減生意天壤迓何時樗隱園容我分半席

詠懷

初夏腓草木園綠勝春深微雨灑高棟好風吹我襟徘徊
花下徑獨往翫層陰東西燕雀飛寂寞鸞鳳音人生
積畧資培塿升高岑陳力正不能前脩愧周任何時歌
物阜薰芳入舜琴俯仰終所為于以達吾心

送陸放翁赴落致仕脩史之命

先生天下名有耳誰不知區區以蠡測于海徒贅辭弟
子事先生非角以至斯文章起嬰慕德行隨蕭規昨聞
挂衣冠固共識者疑豈期平生學終鬱不得施先生健
而武神志元未衰每登漁隱堂再拜奉履慕留我坐終
日誨我忘其疲送我出重門行步又若飛或捉筆大書
或脫口賦詩或時幾酌我自倒今屈卮我出謂客言先
生壽期頤上為天下賀下以賀吾師在郊一角麟藏六
五總龜先生因高世而世冒我違情知渭濱載謾道淵

明歸果然一札下未覺十年遲堂堂孝廟史當代誰宜
為二十八年間凡事公見之英靈果在上筆削詎敢私
矧惟陛下聖益重黃髮咨湖山晚無用遭逢乃今茲先
生願謂我萬物各有時

歸越中所居

閒居寡人事栖遲倦所務雅志歸去來青山越中住爰
辭翫往聖門蔭資先祖雖云隱遁情尚春諸親故歲時
酒一尊聊樂我東土采蓮樵風徑看竹蘭亭路心亨體
攸造干祿靡希遇百年儻有程庶近巖先墓

用陶己酉歲九月九日韻

壺罇湛名酒四散會朋曹黃菊雖未開翠木亦已凋
駕言彼墟矣佳處聊登高山晴斂將夕宇淨豁層霄
迨我色笑同息爾筋力勞人情早欲濡來蘇慰乾焦
倘然隨運往冥契彭澤陶有花即重九何必須今朝

和陶九日閒居

斯人鮮常在奄忽便一生茲辰俄重九今節誰所名
把菊見南山吟詩憶淵明素琴不俱弦大雅留遺聲
伯始真糞土飲水空遐齡異時東坡下尚有酒可傾
才難信

遇否物變更枯榮此翁獨醒者貧賤胡為情
悵焉服九華覓醉何由成

擬古五首

煌煌庭中菊秋後各已花元霜下蒼葉憔悴同
凡葩采之或傷生不采謂我遐貴賤詎不然無已安其家
蕭條陶彭澤歸去隨風沙自古有如此我何良歎嗟
季倫昔富貴舉國稱石家千金買綠珠歌笑無春華
醉歸擊珊瑚恨不窮騎奢黃塵洛陽起里第生桑麻
仲尼卒旅人歷聘空推車古來竟何為不見東門瓜

冷齋集 卷一
日月遞相見元髮驚蹉跎冥冥北邙路去者何其多妻
孥聚歡樂志遠身已訛功名無富貴此路不可過可憐
世上人刺促鳴干戈金尊幸有酒不飲將如何

漢光昔未遇頗為兄嫂欺誰知韓王信本是屠沽兒他
時築將壇意氣帝者師中興屏新莽長劔誅赤眉皇天
生一物大小隨其資例令饑與寒何以生育為永言觀
厥成圓璧珠方圭天意定不爾變化應須時少小弄文
翰把筆能哦詩十五學綴文如璽中抽絲青雲付達官
十九名新知南轅異燕路鄙笑無挈提甘心窮閭中疏

食黃瓜壘區區蠹魚習槁死不可醫閒齋秉微尚高視
聖者師漫言苦如荼誰信甘如飴

自吾蜀中歸稍拂衣上塵古今名利場誤殺多許人歸
囊課宿有頗欲謀其身買花郡庠東結屋清鏡濱山田
不滿百濁酒當濡脍幾友生來談笑夜達晨此志猶
未遂寬作明年春人生幾明年謹物浪苦辛

往時尋芳興屢醉黃金卮日來酒量窄三盞忘東西雖
然不多飲不飲還復思所以畢吏部千古遭嘲嗤每年
梅花開如與祭者期有時掉孤舟閒或借馬騎水村及

冷然齋集 卷一
山驛日炎仍風吹醉歸更有携研席相娛嬉今年墮塵
鞅頗復踈闊之此君應有言亦曰好惡多移淒涼殘年
歷春到無多時如何江南岸不見開一枝

秋興二首

秋高朔馬肥壯士多感激起看天宇空萬物盡陰黑連
年稍艱食所至多盜賊人情有馴致世或尚姑息坐令
鼠子輩漸致穴我室苟生各有養飛走隨所得欲攘乃
如此彼計多變易我生無根蒂尚守祖父宅迩來時命
乖僕僕州縣客兩親化為土弟妹各狼籍箕風度窓牖

蟋蟀催婦織貧家一匹絹已費幾蠶力夫妻僅補綴幸
寬兒女責復思後來事對酒不能喫人言有定數禍福
那可擇胡為自慘戚三十頭雪白

貧居應閉門原憲乃非病讀書到周孔歲晚吾事竟佳
哉亦可樂妙在得所性於時俗慮少魚鳥共涵泳蘆花
深兩葉秋色滿湖靜頗懷梅子真屢起泛舟興明當文
會友聖處一參訂此生飯不足敢不聽於命

耕堂弟雪中效宛陵仄字平字詩各次韻一首

早滂數所繫累歎望一稔種秫秫不孕酌水水可飲甕

牖忽碧玉喜見月入枕閉戶謹謝客是子亦太甚
山河無纖塵遙觀浮漚如穿廬惟有天油牕誰其糊狂
歌忘寒飢渴流驚須臾煩呼瑤英徒同來冷然居

次邢兄韻簡李簡夫

幽花契幽禪夷下難為情想見獅子床天女問淨名至
味有不釀太音奔希聲相逢寸紙間公案今見成

王千里得晉獻之保母碑及研索詩

客從王家來示我王家物云是彼樵者墾山之所得升
沈有時節至寶不浪出祖先暨兒息嗜好俱第一青氈

未渠失近代無此筆觀其逼人處造次神品入石遺半
缺齧行草百十七昭陵不可及季孟精爽集天地倏開
張神鬼為之泣泓也玉壁安冑為泥沙沒嗚呼黃祊殉
人事止枯骨臨池例飲墨有底鵝領識夫君矧其後妙
契過漂石居然今視昔年數正八百碑云後八百載知
獻之保母宮于茲
土

待潮通明詒友朋

子大瞻在前德允矚若後自予得二士光彩生戶牖向
來九州內所在兩脚走相好亦已多惟子共辰酉老銘

最可人自謂禿非醜南宮棄之去盧氏真傑斗今朝通
明埭獨客對卮酒追懷平昔意幸不愧高厚春江散烟
露春事紛花柳問胡此淹留書卷空在手人生忌多情
所不忘朋友南北與東西同然一回首

送邢芻父赴漕試蓋予以牒遜之

長江我之愁倒嶽推不去琴瑟有淒怨居室等行路十
三出從師三十茲無成向來為何事投老悲秋螢堂堂
文翰場攘背君甚武丈夫貴高誼我得寧在汝達官總
遺恨所樂纔妻兒君堂有丈夫祿養當以時吳山青入

天江水流到海才難歎先聖戰伐偶今代四序看迭移
南薰已西風天命不可為往哉及其鋒

次韻芻父試罷有述

筆耕亦農耕後種有先熟穀終貴於稗種詎不知桂里
門富驕兒昨者車擊轂一朝禍機至悔不初碌碌因而
利生鈍甚羨平為福翩翩歸來賦寫壁仍畫軸有來顧
之唾謂豈好題目予方友鷗鷺渠自行鴈鷺同參聽誰
詣勇往何待卜君才十倍我書已萬卷讀邊頭尚征戰
時事非曩風雖遲劉蕢對冑放包胥哭

次韻高秘書

高郎水江漢波浪所從出讀書識大體於世無棄物誰
歟戒盈滿視彼歌器側如君執謙柄我不能萬一群公
石渠上天子正側席翻然侍親歸袍茜髮黑漆老仙頤
之笑吾與子居越人生屈伸肘猶動靜語默非無鶴乘
軒亦有驥在樞忠當盡臣節孝則共子職煌煌周孔意
千古照簡冊吾儕負君親但守不黔突

簡高秘書

昨日山中雲今朝山下雨天時或定數人事恐無據蕭

條吟梁父士有遇不遇不見龐德公移家鹿門去
坐睡

世有因纏糾誰能復自然看書得坐睡此樂出於天一
造萬里遠重尋已非先相逢問尊宿會我無心禪

梁湖

路長人迹少日午樹陰正茲行迺無故解后得所性佳
眠離塵境此事安心竟晚飯過邑門未害喧中靜

正月五日謁放翁留飲歡甚

若人大槐中不作蝼蟻夢春風鬢鬚綠文字凌屈宋昨

朝我訪之杯酒頗自奉魚鰕雜淮海狼籍蔬果衆妍譚
到朝諱嘉我一笑共末言神仙事於世本無用但可於
世人矯首飛鴻送故公所言者大抵靜觀動胡能更八
十異日亦高冢絕憐稽山下不逐梅筍貢堂前謾名龜
堂下或歌鳳壽公晚唐衣聊為吾道重

哭小姪梅老

我初養栢兒年紀三十四穎李得梅老歲數造我類而
梅生不凡頭骨甚硠異見之懷抱中宛有成人器漆光
眼目動玉雪皮肉細愛之甚於栢稍長望其貴每出偏

門歸祝父好看視猶嫌礙闕鑰莫伴栢嬉戲固嘗約而
父築室更隣位請師共教授兒姪精六藝中年不如意
藉此期自慰庶幾和仲老他日遠虎侍梅胡不佳實飄
謝許危脆更醫再而三歷齒一十二留之苦不可去我
何乃易而父真斷腸汝伯重垂涕爾梅竟何往小楷但
遺蛻登槃莫薦子登隴休折寄去然我所傷畏是爾名
字梅兮早歸來尚作梅花弟

舉子

先親去無歸家有十男子春秋此堂上拜起共祭祀一

以魚雁集 卷一 十六
貧乃青氈書種幸未已人言抱子晚君已三十四何時
見入學况未保韶稚老年樹松栢仁者用其意父母養
我時辛勤五兄弟蜂房今俯育誰則逮菽水昊天真罔
極夢想九原啟恭惟父母心敢不嗣遺體平生忠與孝
舉動法經史先訓吾所知功名蓋天爾

癸亥歲五月望日紹興獄有罪人十二逃以出勢
甚恣官吏相顧失措府出軍追至山陰界上魯墟
獲其八翌日以其二尸諸市先是有諸暨縣民孫
破面者以盜販傷人既即刑又他日某即刑今死

者斯張氏第六又其黨之雄也又有唐花者捕未
獲其獲殺之何疑造時天雨未已邦人不堪安作
魯墟行以示在官者

今茲水用事簷雨四十日禱祈徧群空魚鱗入家宅小
民例煎迫在在絕粒食聖人制邦國休養覲生活本根
者州縣父母資牧伯夫何失其理致使為盜賊犯之復
無赦恐負天地德昨來諸暨變本以鹺故得有司屢殺
戮勢欲與之敵民生各良性豈獨肆兇慝飢寒迫於後
妻子時動色那知刀鋸威乃甚溝壑厄市人起相戰爭

利初毆擊吾非志剽掠解后有其迹王官亦人耳聞此
宜隱惻不然罹憲網無暇謀復出嗚呼不得已天下盖
非一橫尸類鷄狗斬刈遽狼籍頗聞動官軍餘黨收捕
急儻非勸本物有死民不易是時天復雨省宰到層畢
夫民使之飽不飽亦吾匹丁寧善其生淚下死魂魄

夜坐讀韋蘇州集序

茲辰孟春夕芳意二分在登臨愧成晚倏忽朝晡改樓
欄帶棲鳥野色半蒼黛花園郡園夜柳暗陂塘外昏鐘
四簷兩懸燈澹予對瓶梅書帙亂茶樹窻紗礙披文到

韋集神賞希唐代爐煙起寂寞至味久不壞妻眠穉無
擾斯境非凡會於時暫得我真淨青蓮界蚩蚩競物欲
宵寐猶憎愛誰知屢空者庶遠樊籠害

春晚二首

春風爾狂顛三月不知春青青池上草翻憶夢中人幽
蘭出磡谷感此芳氣新采采不盈掬眼前但荆榛
佳花有重秀幽蘭徒自芳姝媛被奇服絲竹羅中堂主
人惜殘春清夜未渠央客子抱貞節泯然獨升床

看雨

荒池三月雨閒看水生文客少苔上堦屋老樹遮門幽
心契子綦隱几若忘言鶯聲何從來還思借宅聞

山中雨

盈盈池上花瑟瑟花下雨雙雙蛺蝶伴對對鴛鴦侶池
魚金作鱗魚虎翠為羽兀坐一山春山春愁獨語

走筆次韻芻父喜雨三首

董分有南風下此沛然雨皇天初震怒盍燎緇黃侶端
來丹山鳳况哉螽斯羽君詩如民謠能共天公語
青天一聲雷雲霧忽難開此定時節至何因禱祈來客

方聽簷溜予亦倒殘盃明朝浮舟楫尚好看楊梅
方池陰垂柳想見蘇公隄一雨水入床蛙部連東西先
生不能寐書卷夜自迷穉子黎明來官路深尺泥

即席次韻景周梅花

魂來孤山青夢破耶水碧非兄孰知我非我無此客一
枝霜雪後坐斷春寂寂平生桃李場雖鄰有不覲人中
具品藻醞藉李太白歲寒得佳尚賢賢以易色經年墮
塵鞅此士久乖隔昌原不相見所謂順之逆無詩可報
答大叫脫巾幘疎花正點染半藥猶索摘

有感

隆冬都門歸偃息殊未嘗搔頭不知痒心事但荒荒頻
年借人居主者來在堂飄然十五口露處悲風霜而予
行無從寧如棄不將安巢燕飛來定穴魚蟄藏天地非
不寬一身信難量擾擾復擾擾天子誅黜羗區區復區
區早飯炊絕糧連幃蛻骨久兄弟糊口忙親戚亦豈無
所過門如湯朋友非不多熟視第感傷欲生生無涯欲
死死無方弱妻叫欲絕三子病在床汝哭亂吾耳汝痛
割吾腸父母亦念我陶山永相望

次韻知縣兄夏夜古調

非禽胡能飛羽翰上青霄非木胡能花開謝隨驚颺如
子春所生於世免塵囂頗知師寤遠貧樂富無驕異哉
肯願我古昔日寥寥介然守其業彈琴自逍遙採苜以
永晨芻藁以終宵尚斯舉斯人還復淳其澆言瞻彼穹
矣維南斗之杓言瞻彼水矣維東海之潮慨然契董兮
邈予逮虞姚

再和陶韻

紛紛流俗間哀此萬衆生陶翁蓋達士酷愛重九名行

行步東臯見菊眼為明色香不改舊想像聞其聲謹言
各攜袂耄齒逮弱齡屬予剛制酒空杯與誰傾凜然北
窓下清癯落驕榮雲團煮風葉競用拓我情醒醉未必
爾昭氏何虧成

賢達不遺世後來冑下交元髮一以變感此徂年凋所
懷寄絕俗泰華未為高牛山縱尋斧何時解干霄仲尼
聘列國未覺歷日勞古今君臣義比干更茅焦皇皇上
天意一物猶甄陶清泉黃金花庶矣飢渴朝

邢凡招納涼大善以醉眠不及往大篇見嘲一筆

走和

昨宵予不飲月下看風生不飲竟大奇識此風月清令
宵予醉狂醉眼仍看月月落猶未醒思與枕簟歇從來
清涼事果為獨士慳良月如佳人解后亦已難月色政
爾好友生偶然來此樂如此時百歲能幾回我眠不在
枕我醉不在杯平明視鬢毛定恐此物催四十餘一年
侵尋行老景人老欲何為此語當自領大塊天地寬酒
泉歲年永非醉復非眠快活心下省

梅翁所作無一絲勉強意亦和一首

達士養四體受敵聽腹背恣意萬卷書往昔若晤對日
者鬢髮改自恨筆力退得句造淡薄是亦我所愛

邢兄次韻再答之

紅塵欲欺人甚欲出塵去人生貴險艱九折有夷路學
劍劍不就學書書不成春蠶裊於繭腐草化為螢高明
信天資蹉跎亦步武同床有恩怨當面分爾汝疲容仰
吾父髻亂憐吾兒傳衣與養教上下皆失時杜甫西去
秦仲連東蹈海富貴母相忘此意豈三代惟君眼中人
多若古人風贈君寶劍篇謹勿傷其鋒

中秋

親朋關河濶一歲幾合并回思千載我大丰短長亭我
髮日以白我心日以驚尚喜淡泊資於世少經營五日
過三縣山川知我情吟詩自娛悅俗子徒我評憶我會
心友與我同死生取我塵化衣濯我滄浪清我歸已數
日我友各有行百川我友朋五岳我弟兄我酒難獨飲
我懷誰與傾今夕我中秋我自看月明

自述一首

春糧了朝炊細大共十口身窮兩脚健天意非汝厚前

冷齋集 卷一
年取荆釵頗不窺戶牖甘心事黜婁習氣除夙有今年
長一女自省稱父母方其我少時豈念今老醜時平米
穀賤兄弟仍聚首先人救廬在清話辰徂酉盍簪到諸
雛千指諒非久居然小世界榮悴同一朽去城不三里
經歲絕奔走登門亦無賓老樹堪尚友青氈古家法迤
賤當自守能甘此中泉不飲富人酒

詠草

芳草復芳草青似青松樹今年見汝黃明年復如故今
來古往人南北東西路

白首

白首百歲期青春三月暮荒涼鷄下柵寂寞鶯啼樹山
水越王城行人雨中去



冷然齋集卷一

國家圖書館, NATIONAL CENTRAL LIBRARY, TAIWAN, R.O.C.

冷然齋集

卷一

三

冷然齋集卷二

宋

蘇

洄

撰

七言古詩

老杜浣花谿圖引

拾遺流落錦官城
故人作尹眼為青
碧鷄坊西結茅屋
百花潭水濯冠纓
故衣未補新衣綻
空蟠胸中書萬卷
探奇欲度羲皇前
論詩未覺國風遠
干戈崢嶸暗寓縣
杜陵韋曲無鷄犬
老妻稚子俱眼前
弟妹飄零不相見
此公樂易真可人
園翁溪友冑卜鄰
鄰家有酒邀皆去

得意魚鳥來相親
浣花酒船散車騎
野墻無主好桃李
宗文守家宗武扶
落日蹇驢馱醉起
願聞解鞍脫兜鍪
老儒不用千戶侯
中原未得平安報
醉裡眉攢萬國愁
生綃鋪牆粉墨落
平生忠義今寂寞
兒呼不蘇驢失脚
又恐新來有新作
常使詩人拜畫圖
煎膠續弦千古無

猛虎行

君不見蜀山之高直上登雲梯
草邊路側多少豺狼蹄
盤龍山下三脚虎震天一嘯回
風低橫拖騾馬捉猪犬
咆哮出入吁無時有時人立作
氣勢團目金努矜毛皮

跳林越澗伏榛莽亦挾一子攜其雌
妻兒子母誰不愛
難以人肉賙其飢好生之德乃天相
殺人正自人殺之
吁嗟此處獨三足明白罪狀人皆知
如何擊搏更不念
白晝坐使行人迷昨宵風雨振林薄
颯沓萬仞千夫隨
一夫爭先探其穴曳出研死橋之西
寢皮食肉志不厭
亦戕其母烹其兒初圖一虎得三虎
頓令此類無留威
何時千山盡勒絕眼見蜀道都平夷
乃知強梁不足貴
人世豈得無危機

予既賦金貂亭詩
吳伯求益不已
偶得名酒連飲

輒醉隨意長哦忽數十句錄而成篇真醉漢口中
語是可塞嚴命矣惜不令子大德允見之共一醉
嚔耳

君不見陳留阮籍字嗣宗竹林賢者渠稱雄登山臨水
輒經日竟用酣飲全其躬謂渾汝不得復爾獨善猶子
曰仲容以其任達似叔父氣壓道北空多銅宗人共集
作園坐酌以大斗飛金鍾著言君子處域內何異群蟲
居禪中形骸忽忘置不問豈復上欲圖三公古來賢達
類若此劉伶畢卓非凡庸陶潛數酌宦情遠李白一斗

詩情通彼胡不醒匪不智智在意表言難窮共惟遙集
乃感嗣是飲三代傳家風五馬渡江一馬龍事未幾見
嗟江東就家拜爵下車去搖手溫嶠吾誰從京尹非才
固所願青山聽入明招終所親相顧數在念謂方醉耳
何其聰孫為知幾翁遠識信使日月垂虛空山林鍾鼎
不兩立珥貂著屐將無同解之換酒亦不惡蠟以盛足
誠為工古來醉人醉亦醒後之醒者醒而聾作亭縹緲
山水勝曳杖扶疎煙雨濛長江為杯斗為杓一飲天地
生春紅持杯却將我遙集籍成墳土俱蒿蓬步兵常侍

本何物目送千古歸飛鴻我今與子生並世得不痛沃
崔嵬胸只看祖家當時所餘雨小麓其視吳屐相去何
啻億萬千千重

棲聞堂

紛紛世界多金寶試覓一間何處討天公忌閒亦惜閒
似欲人人忙裡老長安道上人如煙信有陰陽錯昏曉
食升衣尺我類渠玉帶金魚為誰好上而公相下百官
鞅掌其身髮華皓出臨民瘼或愧色歸對妻兒仍熱惱
農商工士各有役何況倡優及輿阜豈知老龔縛屋看

青山賃地於鄰甘種稻有男冒獲女習紡布褐藜羹事
翁媪天憐老龔忙為貧報以一間非草草乃知富貴天
不惜閒處閒人古未少問龔胡為閒處棲告我中恬外
無擾家傳古書教萬卷充棟牙籤四圍繞興來拈讀拂
蠹魚興盡留殘聽啼鳥花陰坐久看日轉葉狂行稀任
風掃問閒何味作何說口不能言心自了初從太白得
微遇晚向淵明飽聞道區區擬議已不問非作非休此
其稍我聞如是三歎息苦恨當年歸不早閒中之味肯
見分亦欲誅茅鏡湖小

餘姚江上作先寄城中親友

開禧改歲復崢嶸老我奔馳不少寧雪花欺人入衣袂
前日杭州今四明老來老去我何有綠髮黃鬚行白首
魚鱗年紀今歲是挽之不住去如走挽君不住知奈何
叩蓬擊楫聊高歌天風為拍雪為舞寒水自酌金叵羅
脚根萬里不作難且喜看盡湖中山明朝還舍詫朋舊
尚有新詩三百篇

春日懷唐梁

陳雷箭去不遺鏃後世人情手翻覆我生二十少知己

更覺息怨生骨肉塵沙蹤跡窘吳越波浪奔馳走巴蜀
癡年自長習藝能如兔之角礙人目相公清德照宇宙
萬物引領望鈞軸平生出言謹許可愛我重我過推轂
前回識得白石生聞韶盡美一夔足此公所向泯涇渭
於我底裏罄心腹晨星在天萍在水人生失意多殘辱
東歸窮巷口挂壁豈無他人不知叔迎來唐梁亦好事
頗復顧我青眼獨吟詩造妙五七言醜媚寒松倚新竹
時時敲門小童至輟書倚火再三讀亦思賡和禮所尚
疲鴛鞭扑隨驥驟歲寒相見願始終且莫嗔怪屢更僕

吾儕豈圖偏黨異俗子空猜徃還熟青春飛蓋城西園
畫鷁低飛鏡湖曲杯行到手勿浪憂世界堅牢等朝燭
唐梁長驅行秣駕賤子終期老茅屋他年官達請卓頭
莫笑渠濃甘碌碌

次韻芻父大篇

我生兩脚半八區歸來狹視東南隅東南禹迹今綠蕪
百歲幾見人歐蘇聞石蘊玉川含珠山乃秀潤源不枯
胸蟠萬卷味道腴落紙所至雲錦鋪爾來大似天眷吾
貺以佳友令相娛邢子韻勝開冰壺湘湖與我初索逵
謂此巨浸其是歟今夕不飲可得乎吾儕固不如林逋
吟詩寫壁無處無雜尊便食不用厨湘湖豈即輸西湖
賞錢沽酒勞老夫酒酣肆筆衫袖烏不覺月墮三更餘
荷香染袂露濕膚開堂復駕紅塵車君勿笑人生意氣
傾堪輿所得未必如所圖

日鑄嶺下狂歌行

我生天地不如意甚欲飄然去人世却思一死胡足悲
死而不樂胡死為又思天地之間固有足樂者安得莊
周之鵬穆王馬有時騎馬或御風天上天中更天下息

駕元冥圃駐節蓬萊宮攀星太極南訪日扶桑東東西
南北何局促自可直造混沌趨洪濛又思去有歸安得
來無從當時六翮負亦重豈有身常不轉動會須四六
二十四足一欠伸我居其高視爾衆不知化為大海水
為復茫茫而已矣不知翮在復翮亡為復人生或人死
此時逍遙游不見爭奪場想見四維上下俱茫茫巨翮
爾靈便如此公欲欠伸不難耳且如皇家三百六十州
出門所在多山丘其間平地少但見蘿蕪蘿蔓上下硤
确森相膠青鞋有底踏須破人壽幾何行不休更今生
世人偏仄生戈矛迂迴隔絕千里成萬里親戚朋舊相
見朝夕無緣由爾翮若未動為我背畧傾颺翮山與丘
平地與人行也知天上本來廣也知下地本來平只因
山丘多頃使天地輕我當作章問帝借北斗酌滄溟盡
殲偏仄人更殺馬與鵬百拜稽首登翮之靈

甘露歌上呈留守門下侍郎

太微淵默嚴不動斗為其車運中央四序回旋變造化
一杓直指無偏傍柄臣比之號八柱一柱難闕更有當
紹熙元年圖舊德更公玉麟使過國屹然山立天子重

列作八柱扶天極天極尊嚴物有道不減不溢常不忒
均勞於外天闕柱至今朝廷靈袞烏皇皇辟君明如日
安用動威偃禾木奉以甘露太和液飲太液親壽益公
雖老歸致太平萬物好

書懷

出門莽莽無所適青草門前少行客讀書忘意學周孔
行年三十頭雪白朝廷伏間治清靜賤子何憂官得失
平生志氣渺江海前日詩名漫梁益相公青氈化烏有
大似不蒙稽古力恭維元祐全盛時左右明王非列辟

爾時吾祖亦遭逢曾與坡范同入直同朝人士服該貫
後世儒生猶辟易石羊去作高資夢金榜空餘峴山宅
爛然朱紫照一門綿亘百年隨社稷中興即從閒有人
徃徃命簿中道塞只今晨星頗相望豈不稽首荷王澤
先人中間亦筮仕曾未幾見損祿食坐令諸子各困頓
須與祖世事乖隔忠肝痛膽欲誰付冷屋風燈但蕭瑟
明知長短均一盡自是矣涼心所惻昨蒙宗公置牙齒
事下丞相當審覈駕才不堪駕十乘爍火或可繼殘夕
縱然得遂豈其志未免妻嫂有輕色諸兄生兒任門戶

兩弟行當問家室祖宗祭祀足依賴插架牙籤肯幾畢
至尊恭已正南面下採芻蕘及群策男兒努力要及時
致君堯舜收故物春風吹花滿江城醉擊珊瑚夜吹笛
屬予寄傲諒茲契隱肆壺天許分席西游酌酒吊杜甫
東望吟詩懷李白瀟湘南浮窺舜葬淮海北上巡禹迹
歸來故舊半為鬼未死一身長百疾向之經行輒夢寐
江漢沲潛猶彷彿塵埃熏人眼生翳文字不立口挂壁
樊籠日月安足恃會覓丹砂變形質時哉鵬翼倘相逢
俯仰人間訪疇昔

青牛宮

青牛宮中青草生數間老屋徒歌傾老人婆婆坐牛背
似怪關尹聞其名東來萬里西遊客倚徧宮前舊時柏
巫咸大招不可期欲向青閭消息

再和古梅

和羹之說昔有聞豈得不如魯泮芹聞名尚救渴將軍
會稽竹箭胡能群初花的皜美無度情事淡泊春空雲
樹猶如此我何堪再三歎息殷仲文江南晚生敬耆舊
汲水封植敢不勤清霜既降河水涸笑持雙鬢舉似君

冷齋集 卷二 九
人間涼燠易更變有底寒谷回氤氲神奇正爾出臭腐
枯木何怪生竒芬諸生徑登李杜壇此老行策伊傳勲
吾詩稱贊愧不足舉止羞澀如羊欣

湘湖飲平遠亭口占呈邢芻父

我屐欲行山路遠我舟欲泛湖水深湘湖湘湖在何許
不在天上終可尋君才未減邢君實藥品之中貴參朮
君歸芹省我湘湖夜看明月朝日出

又口占和林竒卿府教春日即事

門前車馬無行迹堂上真重戴憑席東風吹水綠芹香

課試公勤榜新拆研經未羨陸德明侯喜况有能詩聲
朝廷更化要才傑聘幣應先魯兩生休言三仕有三已
時節因緣還在是滿園桃李競紛華未害疏梅粲寒蘂
皇天著意生孔顏一匙蔬飯宜加餐眇然人物望公等
解后試挽唐虞還

金錯刀行

黃金錯刀白玉環鮮花古血寒斑斑皇天生物有深意
入樹代石無堅頑丈夫意氣豈兒女事變虧成爭一綫
拔天動地風雨來環響刀鳴夜飛去世間萬事須乘時

古來失意多傷悲，嗚呼寶刀在手無能為。不知去後鬱鬱令人思。

次陸放翁韻

登高望遠不可無，不可一日不讀書。予方自委下濕地，君乃獨占高明居。揚雲倘許客載酒，杜陵安得錢買驢。徐行過君就書讀，頗幸借屋今連閭。

送孟信州去矣行

青絲絡馬黃金羈，紫衣導從前驅馳。男兒四十作太守，路人指點生先輝。我時笑與路人說，太守襟懷世人別。

平生為政學魯論，愛民如兒少鞭撻。上饒之民吾賀君，君獨不見南安軍。是家官職未渠已，太后垂簾功蓋世。

秋夜登湖橋

平湖秋水滿拍拍，恰如三月桃花春。所不同者一輪月，下上青鏡奩。寒銀我來跨湖橋，頂坐月照水光光照我。春暄那得抵秋清，自摘霜華餐露顆。

聞鶯

東村水車聲未已，西村阿童喚牛起。麥晴欲溫天更寒，霧雨瀟瀟熟梅子。讀書窓下少人知，綠陰幽草勝花時。

一聲姪姹復姪姹時有黃鸝來去飛

病中排悶

中年一病一回覺老大康寧知更難只今四十已華髮
來到七旬應碧山故疆風土望莫及前輩典刑追不還
但願生生遇堯舜耕田鑿井泰蒿間

冷然齋集卷二

冷然齋集卷三

宋

蘇

洄

撰

五言律詩

春日閒望

到處林園靜能來是主人
鶯喉低轉玉魚腹暖翻銀翫
雨沾芳履吟風岸角巾
功名吾老矣甘作太平民

次韻七首

隱几看魚樂洋洋圍圍然
一身隨見定萬事任從前
賣劍更農服操觚搆紙田
豈能無儉歲固有豐年

步蹇堪扶杖頭童欲罷簪
渚雲秋澹泊連樹晚蕭森
秀穎垂千畝遙青出寸岑
本來闕箇事而獨可人心

汎愛經過數尊榮
記憶疎賴收顏氏帖
誰奉子公書西夏方徵甲東州
且定居雖無南過鴈
幸有北來魚

山色對疎櫺之人一似清水邊
同婦飲花下趁兒行
養鴨期充膳騎牛學治生
時因把鋤暇毋廢讀書聲

香醪如蜜甜村酒漸多添
弄水閒移棹看山自捲簾
深心非木石癡腹慣蘊鹽
莫作淵明解逃魚本欲潛

茅茨依橘袖鄰舍即烟波
更與山為伴何憂屋不多
功

名元有命嗤笑亦從他
但願年年熟杯來爾汝歌

廢田為屋宇困士學農桑
來者或相問耕焉安得堂為
言吾欲醉且去客無妨
信有癡人夢寧甘草徑荒

一室

一室星辰入平居
社稷憂螢飛原有夜
蟬退不勝秋短髮千方誤
中年萬事休摩娑門外柳
坎止亦乘流

遣熱二首

人生萬家室大暑亦勞勞
滴露點周易臨風歌楚騷
朱丹誰復羨斑白懶能薈
一笑問兒子汝何催我曹

冷然齋集 卷三
田舍東湖隔樓居北戶升感時秋髮白懷友晚山青病
不妨書讀閒應養性靈救衰蘇季子四海一飄萍

客夜

風雨夜冥冥舟行為小停野田藏水白燐火出墳青將
子鴈能急久鰥魚獨醒人生貴艱阻稍向道塗經

歲杪

客子船都泊幽人夜獨醒五更初水長四壁盡歌聲已
若從吾好因之念此生行年半七十歲事復崢嶸

舊歲

舊歲無多日三衢有幾程雪簷疎滴滴泉溜響泠泠奔
走經年債襟懷一味清紀行吟放穩歸詠遣兒聽

秋夜有感二首

燈影三更夜蟲聲四壁秋兩階疎滴滴風幔颯悠悠朋
友新凋喪湖山舊釣遊平生康復志老去未能休
棲山幾堂堂殘更引漏長月明山樹濕露下藥苗香朝
野衣冠畢郊原故物傷平生三徑草此夕更蒼涼

世事

世事一翻手詩書三折肱江湖多白雨魂夢雜青燈同

好纔如此言歸有未能平生飛動意元不羨鷓鷹

書憤

黃葉冷颼颼臨風搔白頭江湖無老伴天地有新愁
禁行駕曉榆關戰馬秋平生忠孝意到死不能休

琢句

琢句真無益論詩新有名客懷無遠近人事只翻騰
積水明寒樹飢鴻咽夜聲半年安坐得又作雨中行

懷親堂

升堂如孝子即事每思親根本由先世栽培得後人一

林香自好四序感如新勿作商顏戀家傳漢幄臣

涼意

涼意滿中庭乾坤洗濁清鵲河通海浪螢火亂天星
便覺黃花近休看白髮生客床眠不穩起坐聽秋聲

仰屋

仰屋無窮事甘心未遇時雨花明燕羽風葉墮蛛絲
農務從人說光陰類箭移早知霜白髮那免一生癡

得屋後舟中作

棄大屋徙小屋

有屋吾堪老無由子緩求長江惟可飲萬事不須謀政

爾天從欲端因鬼瞰憂平生晏平仲能費幾狐裘

幽興

花氣濕書籤琴風入畫簾綠陰連地黑朱果落枝甜客
去後鸚語人歸問鵲占村居近城郭幽興得相兼

即事三首

窓外梧桐樹霜風特地吹莫輕初下葉長別作生枝便
有青葱見應無歲月追先人移得汝吾髮復如絲
平生蘇季子歲晚意如何收拾江湖夢歸來田舍廬耜
鋤知力腐書卷著饑驅稍識瞿曇老長思結習除

群鷄紛啄粟收斂逼深秋巷內黃葉落門前清水流年
饑人菜色家癸僕蓬頭魚善平生志淒涼出謬悠

有感

衆木曉森森孤松自百尋絕知根氣大能愛雪霜深草
草供時役悠悠匪力任春風徧紅紫啼鳴便驚心

有歎三首

古屋殘僧住孤墳亂蟻穿山稜人蹈滅灘石浪搓圓毀
譽無終日功名有百年予方幸壯歲渠得戀華顛
氣使與形驅從知萬化渠參禪休佞佛為士盍忘書枉

鑄千金錯終還一味愚柴門老翁媪圍坐却安居
杵臼梁鴻事人間欠此人癡兒號飯少愁婦厭家貧雨
障雪來少梅催柳迓春平生兼善意孤獨歎沉淪

陶令

陶令歸來後何人記若翁難將五斗粟換此一窓風喜
色均童稚高情更菊松悠然信天命今昨定無同

偶題

少壯憂藜藿堆盤齒豁疎平生空布褐垂老贖金珠世
有伯勞燕人誰能掌魚癡年將半百撫事已嗟吁

偶作

盤薄意無窮藏脩一畝宮竹鳴知過雨花動覺微風閒
作詩如畫長思色是空人言似摩詰雖病有神通

夜讀杜老星月詩二十首

肺胃清如水儵然二十詩月星連北斗冰雪繞南枝煮
壑充茶椀烹龍送酒卮杜陵天上語舉世幾人知

重憶舊句

太飽傷清氣微寒最好詩白鷗沒浩蕩天馬謝羈維矯
矯真無敵飄飄信所之百年龍變化萬事燕差池

予頃時有一聯云太飽傷清氣微寒最好詩葛天
民極愛之偶再續成

太飽傷清氣微寒最好詩
輕鷗憐野性垂柳讓風姿
賀巧從天賦疎狂聽我為極知
貧者病未許藥能醫

無題

愛酒陶彭澤能詩陳后山
浮汎將底用長大若為顏鏡
面舟一葉梅邊屋數間
饒君雙鬢白還我半生閒

得句二首

存養龜傳息扶行鶴類形
題詩窓紙白住舍竹林青
食

沒神偏爽眠稀夢亦靈
役來知守分真箇勝看經
馬步山逾險舟行水未通
馭風為道號啣雪是家風
自許清如玉從教臭似銅
人生幾兩屐老去一飄蓬

再次送芻父韻寄之二首

君到知何日書來未可疎
旅情難是久別意重於初時
暑方遵涉齋居少自如
梁空明月夢只有不閑渠
當時馬首東追送苦忽忽
對我藕花雨思君榕葉風
畏途迷白黑醉眼眩青紅
曷日歸相問江湖一釣翁

走筆次韻黃觀復學士二首

未見心先識相逢意輒同半生總得此叔世若為容力
學君方壯緣愁我已翁泥塗斷還往信矣命之窮
自歎馮唐老那堪李廣奇歲寒斯可矣吾道竟何為麗
日明桃葉清風近竹枝天機乃人事到底孰成虧

見放翁退

住所真容膝設閒便解頤胡能萬事足直作一生癡
兩驚荷葉微風吹竹枝回舟吾自憊應賦此翁詩

次知縣兄韻

市小全依郭人稀却似村湖山春氣早煙雨畫圖昏倚

樹花微落吟詩酒屢溫親朋各南北步履款誰門

次韻葛天民

搗柏為香炷煎茶當酒盃鬢因兒女雪心向利名灰茅
屋湖邊住柴扉柳下開殘年未歸去排日為公來

簡寄

綠樹千家雜青山四郭新須知太守印合付謫仙人波
浪窺東海樓居近北辰不過行儉德彼瘠奉王臣

簡朱子大學士二首

亭上經秋晏同鄉見亦難鬢從前度白楓是此回舟句

法流傳否交情寤寐聞
重來與不盡誰掉小舟還
人間三十六曾未識朱園
一昨素絲飲通宵謝屐痕厨
燈猶琢句山雨未移樽
子大真吾敬心期重款門

憶朱子大學士

翠麓晚蕭騷無風樹亦號
官榮歸若輩詩態憶吾曹
信有憂能死應無酒可陶
平生相照地不隔半秋毫

歸自陶山舟中示暹姪

鐘聲四山晚一舸鏡中歸
遠舍火明樹寒天露濕衣
塔高城不禁林暗鳥疇依
有句傳猶子吾疎合世違

憶黃觀復

地遠過從少天多眼界寬
曉書繙卷白秋桂繞亭舟小
雨妨相覓幽花孰與看
平生杜陵老到此賦詩難

陳杰荆州之役伯文實約予聞其沒官愴甚不寐

遂成詩

細雨歸帆暮西風遠笛哀
江空人永已興盡首重回
嗣祖焉非福王生本不來
後今長謝客穩卧北山隈

紫芝申之有月夜賡唱俾予續之

棲高發興微山水有清輝
有月畧窺枕無風時動扉
他

生嫌大食投老羨空飛安得余靈趙相從去不歸

陪制帥寶學侍郎飲別金陵諸勝地

制閫三年召亭臺一日違江山雲外款鼓吹月中歸夜
氣輕杯力霜稜迫妓圍明當趁朝謁回首此依依

重送呂知錄表叔

別味中年畏離筵近日頻青山千騎遠綠樹一蟬新典
獄須吾表窮涯亦我民時因過周守相與話推仁

遠懷二首

縹緲龍泉伯人間第一流胡然天下寶只頓海東頭斯

道誰興廢浮雲任去留絕知他日少預作百年憂

去國三千里書來一再行過從應夙數契濶更殊鄉沙

草留徐步溪鷗傍晚涼人間無限事獨自有難忘

次韻芻父秋懷六首

髮短日益白眼昏時見花無人知若士有句可雄誇籬

菊風前藥山梅雨後葩平生蘇季子猶足送年華

幸免名為累應無口啟羞竺書時挂眼衲被久蒙頭未

仕胡三已論才宜四休商宗如見夢依舊濟川舟

太史龜堂上重來不忍看更無詩徃復徒有竹平安世

事翻仍覆人情煖易寒何時一樽酒同訪小方干
逢人唯嬖直遇事懶依阿菊引陶彭澤鳶驚馬伏波衰
年如意少行路得詩多彼其皆車服嗟嗟如命何
士有脩身者娟如女在房刈蘭供作佩採菊當為糧春
樹翻疑雨秋花却耐霜從來與涉意晚掉轉微茫
四十總如此將來事可吁長齋甘短褐舊債壓新租已
覺身何有行當夢亦無茅簷負朝日黃卷足相娛

陋室

陋室行蝸子良朋斷馬蹤一官當面過萬事轉頭空故

有詩驅瘴那無檄愈風豐年仍儉食歲晚得途窮

即席呈趙大資

裴公非綠野白傳喜青山富貴何如老功名不似閒半
生知己地每見立談間歲歲須來省從教載雪還

寄衛太常二首

道義分明重功名取次休重來蹈龍尾猶記立螭頭行
輩雲霄上家山歲月周孰知為郡樂未憚過都留
祖世多生契門墻半面人若為資巨獄不敢望洪鈞千
載今如此諸公迹易陳江河湏到海松柏不勝春

寄盧子高二首

我別君逾壯君來我欲翁
艱虞疇昔異風雨數宵同
鶴病祇應瘦鷹饑苦怕籠
平生黃叔度見可俗塵空
君行甫郭門我病已昏昏
嘔泄輒經日芳薌空屢殮
每思今古易終畏別離
頻向匪勒車馬何因共一尊

問訊知府高校書

為問高夫子朱黃想校書
有詩連日有無訊十分無
月浚梅行色窻寒竹寄枝
惟應牙痛愈列屋任閒渠

次韻高秘書謁陸待制二首

人物推前輩聲名重泰山
斯文無毀譽吾道有間閑
袖短方妍舞弓強愧力彎
風舟雖屢引中路恐追還
海上三神宅人間陸放翁
設諧詩雅詠任已易屯蒙
松竹當姬侍鷗禽是僕童
後來那可計應有不如公

東野次高秘書韻

累土就川地蜉蟬半點癡
神仙愚谷賦圖書使君詩
石磴春風酒松窻夜雨碁
仲謀真有子狔犬定吾兒

與趙監簿

昔我離家日今皇即位年
同時辭北極共載入西川
雪

裡賡詩句江邊醉酒船重來一訪舊風景故依然

足姜句

那知身百歲未辨屋三間見客慵開口逢僧託買山喜
無他志願幸不礙清閒社燕秋鴻裡人生各有還

次知縣兄曹娥渡句

自絕雙魚養愁登老檜亭斷雲知意緒流水付年齡撫
穉頭空白逢人眼未青貪生不既晚無地學威靈

五次韻送蹈中造朝

鏡曲春帆遠延和曉仗穿已更新歷日休問小行年用

我書三篋從渠食萬錢功名今古意留眼看蒼天

問訊耕堂

五更三尺雪應是沒耕廬洞徹八窓景泓澄一腹書卧
看龍天矯閒翫玉糝糊差勝陳家否妻兒共擁爐

寄趙紫芝

同年今半百同病半年賒瘦骨如枯木殘身似晚花人
言闕念慮書字覺歌斜且願逢靈藥清吟老鬢華

寄周普仙

四海周風子推敲孰似渠官應憎骨相老不上髭鬚醉

水滸齋集 卷三
三
帽歌花落吟身信仗扶相思不相見梅樹兩鳩呼

見子大後寄

相遇自一奇歸去復相思柳上已春意屏間如杜詩山
川佳甚處人物眈然時愛重非金玉微君不我知

寄常山晋叟兄

行人有公論知縣得奇才祖世今衰矣吾兄亦壯哉可
能千里到不破一朝來當日王猷興真我訪戴來

代書寄應之舅

故人天一方鴻鴈已南翔世亂各生死年饑無稻梁丁

寧機上錦愛惜橐中裝莫作孤飛想冥冥忌弋傷

寄穎季

人來得一書分袂兩旬餘未獨劉差鼈誰羹宋嫂魚時
情分向背同氣底親疎想見迎長節杯行會憶渠

代書寄趙處州公甫

蒼雪無來使如今又幾時案餘分惠筆室有寄來詩豁
達偏憐我風流更許誰懷我括蒼小安用借留為

因會薛船官寄子高

昔忝盧郎舊因尋薛子舒淺交初未愜重見極相於嗜

好三人共參商十載餘長安燈月酒吾與汝憐渠

先寄觀復

老大真無幾為官又不成殷勤去病體端的為交情人
以風姿勝梅將雪意爭知君定懷我株坐或遐征

送錢子望

才名富有餘揮袂別鄉閭小作經年計輕賡一束書州
城蕉葉暗驛路菊花疎尚想南來使時因問起居

送陳永康昌年

公不登臺省猶宜立內朝如何百里縣更以一身遙俗

悍須寬理年豐在政調清秋送卓茂目斷馬蕭蕭

送趙蹈中府簽對策大廷

奧學通元象須時對廣廷端為賈生策動合聖人經事
往誰謀始時今未救寧因留非所志君相眼終青

壽暹姪

行年過二十不可恃青春再此為中宿三之即老人詩
書先足已壽祿後榮親當日癡頑叔從師雲水濱

贈暹姪

祖世青氈遠閉門鬢欲絲猶欣諸子姪愛見老夫詩貧

賤端由此文章安用為勉哉勤所業須有中興時

思故人

故人不可見書札報平安黃菊誰能折青山獨自看雨
生南浦足秋入五湖寬歲晚無多事相看把釣竿

感舊二首

連年走巴蜀性命實如絲去有身將影歸無父惜兒車
馳遭虎豹水宿伴蛟螭少待波瀾濶須吟憶昔時
荊州若箇伴錦水暮雲深萬里元無事一生長苦心秋
林猿吊影春殿鳥遺音尚喜身強健幽期或重尋

復簡蹈中

連樹風吹盡池荷雨滴穿病身能幾日短褐過殘年摘
橐有千首看囊無一錢鷄號喚清曉惜許夢釣天

簡德允

言歸四十日兩度得尋君貧病有諸子情懷無半分梅
花年後雪鴈翅屋東雲早晚扁舟興能來與細論

簡紫芝

一隻林家鶴饒君骨更清愛山幾廢日琢句恐傷名稍
得湖邊住常來寺裡行相逢怪相喜同病又同庚

哭邢芻父六首

頭養花能秀謙卑玉似溫當家衣鉢受外民典刑存逸
驥方開路歸雲遽斂昏胸中何事了地下與誰論
未晬俄孤子垂髫便俊聲深知表獨立敢謂竟無成嗜
好唯經史情親到友生回看真夢幻未必泯神明
江漢淵流遠芝蘭雅韻深規行真畏友莊語賸閒心未
志昭昭理長懷秩秩音且隨賢父定應伴放翁吟
在昔呻吟作于今族姓無致身胡不可得壽有相須鬼
魅資強點乾坤惡好儒黃陳諸老淚何獨為惇夫

慟哭叫蒼天其如手足然幾年能爾熟一日棄予先委
翰愁肱篋賡詩歎絕弦求兒方畫祿有母况華顛
太學三旬食那家萬事空初頭總過我半後已無公慙
恍扶床語倉皇就本終從今顏巷冷寧復孔尊同

再省剡姊

短景催長至冬溫為小春昔遊今更省母逝姊為親風
木悲吟楚晴沙巧溜秦扁舟君莫羨未必自由身

足疾數日簡頰弟

病脚冬逾甚羈懷老自驚生前終有役隱去更須名褐

短愁紉婦文疎愧屬兄何時了婚嫁一意學躬耕

簡趙紫芝

別久似相忌因行遇道傍問知元姓字傳讀是文章鶴
骨秋逾瘦松身老更長十年猶九品如我合耕桑

壽穎季

有屋須生子為家要及時雲山千態度弓冶幾書詩壽
日能佳事秋風况捷期長年一盃酒吾與菊花知

除夕呈主人

使節梅花外椒盤淚眼邊山川非故國笳鼓咽新年機

事鷗偏覺家書鴈不傳細箋今日恨萬一主人憐

送觀復機宜榮侍南遊二首

友誼平生少心期遠近同略無時俗氣信有古人風幾
諫如吾子忠言在若翁南州須趣召先寄狀元翁
命拙仍多故君來每慰情艱虞還儉歲文字久寒盟又
作家山別寬為數月程閉門閉蕭瑟病眼向誰明

十二月二十八夜至此帳然繼和

病馬猶依櫪饑鴻更著行深宵風雨後萬里道途長骨
立難看鏡愁來怕舉觴少年輕聚散曾笑客思鄉

重哭周四

甫讀宗周挽那知遽絕弦所嗟無我輩不獨在詩篇行
到水窮處魂傷山寂然仄寒空酌酒慟哭向蒼天

二十三弟喪偶慰之

汝婦真良偶吾家無間言生來諸澹泊奪去幾煩冤室
想羸輟慕沐餘稚乳存羈遊違一奠何日送丘原

挽故開府使觀文趙公二首

杵臼孤無食詩書卒致身佩琴重化蜀衣錦却歸鄞不
廢先君養難忘舊日貧公卿如匹士伯父更何人

觀文終身
有養親錢

綠鬢今如雪陪行萬里長稍後師北面重作壻東床道
義非常重精神有不忘一為天下慟端復細思量



冷然齋集卷三

國家圖書館, NATIONAL CENTRAL LIBRARY, TAIWAN, R.O.C.

冷然齋集

卷三

十一

冷然齋集卷四

宋

蘇

洄

撰

五言律詩

湖中

湘湖夢不到今日到湘湖草木儘春色山川如畫圖
雨慳尊摘後花發燕飛初張翰平生意扁舟未可無

百家泊

舟子更相語泥深不可行擁裘聽水響無寐到天明
蓬背瀟湘兩溪南欸乃聲在家那汝覺教舍許離情

淹泊

淹泊何如此歸來亦偶然
江寒惟罩雨船晚各炊煙
宿鴈起無借饑鳥鳴乞憐
遙傳湖入浦孤隸已爭牽

過天章

菜把充詩腹籃輿兀病身
山烟孤起晚官柳探生春
歲月渠催我妻孥爾累人
誰言行路好得似在家貧

三峽

三峽波濤壯秋深鼓棹前
飛空多隕石失木有驚猿
灑徧時時雨晴開處處天
篙工罷鑼鼓此地出神仙

夢峽

未定還家樂仍思去國情
猿枝樓閣影龍府珮環聲
水漩歌斜碧山搖突兀晴
分明昨夜夢百丈峽中行

峽險

剖鑿誰其始山川出祕竒
祇應天地設未必鬼神為
崩石驚船適盤渦逼棹移
蓬萊如在眼淚冷挂猿枝

次韻望海亭

城裡偏高處分明見海潮
鶴巢多碧樹人語半丹霄
州宅樓臺近居民市井遙
芳時一來此因得離紛囂

鏡曲非塵世春風屬酒盃欲紓憂百結須索醉千回蓮
實兒拳似紫荊父手栽無人競來往坐穩興悠哉

題蠟屐金貂二亭呂巽伯表弟命賦

蠟屐登山去金貂換酒來一生須幾兩萬事付三杯飲
爾非狂耳歸與有白哉何時兩亭幕吾與汝徘徊

三界二首

地屬元三令風回更幅蒲檣聲歌枕裡燈影到家初稍
覺身何有行當夢亦無平生不耕食五斗欲誰辜

風日催曛暮江溪半濁清春寒歸鴈急沙遠落鷗驚有
志詩書誤無家去就輕短篷高不寐高枕念平生

地壁道中

落日宜平野回車憇薄陰羸牛歸徑險寒雀聚枝深足
未傷和玉文曾賣蜀金百年渠未已出處遂何心

三遊洞

懸崖三百丈五里到松門路盡始佳處苔深無屐痕細
泉牛乳滴亭午艾香溫舟楫經行疾無勞具酒尊

西陵道中

凍纜牽鷗浦炊煙飯驛亭吳雲懷踐白越樹怨閭青年
數那無老巢居會有寧長歌和漢者愁絕未堪聽

吳淞

把蟹風前醉吟詩水面歌餘年聽造物所嗜獨煙波蘭
棹憑雙稗菱花笑一疇稽山今又昔賀老苦無多

途次口占三首

草檄頭風愈吟詩瘡鬼藏三年如昨日多難更殊鄉澗
底秋花小枝頭病葉黃饑餐并困卧平地有仙方
鼓棹泛渺茫驅車道莽蒼功名中底用奔走為誰忙白

浪高楊子青山入建康從來懷古意秋至轉悲涼

棗子萬星攢良苗綠一端撲簾多秀色吹帽受風寒擾

擾水和尚泠泠山樂官近詩差進步安得老梅看

八月十二日再入都

野色連山碧時光似水流鄒陽仍是客李廣不封侯業
已詩中老何須病始休草根螢一點寂照萬端憂

晚渡

小雨濕詩人人疑過渡頻望山高著眼就樹巧遮身有
句尋鷗說無家認鶴親明朝上京去醜酒酌溪神

月下傾殘酒風前讀斷碑采江那有意涉岵不無悲樹
影經船疾灘聲到枕遲重來更何日放棹欲何之

浙江

演迤來何代崩騰直至今飛潛知險地征逐欠閒心西
障殘山眇東流大海深會攜秋月色徐聽夜龍吟

若耶溪

歲月去悠悠沙邊一線流榮無嚴子釣直有楚臣鉤雨
氣知魚樂煙光驗鳥愁餘年未可料幾度此維舟

長江二首

長江無六月大地絕纖埃暑向風前退秋從雨後來問
桐知葉落脩桂待花開疇昔扁舟興分明欲喚回
處暑無三日新涼直萬金白頭更世事青草印禪心放
鶴婆娑舞聽蛩斷續吟極知仁者壽未必海之深

遊子

遊子那無故青春亦有歸小舟衝岸疾白鳥破煙飛物
理迷終極人生喜願違東南雙病眼隨日下渙磯

曉行

稚子侵煙語征夫破曉行百為真
有數萬物本同生擾擾歲月晚
悠悠江海情荒鷄叫茅屋一笑
又天明

拜大父墓

先祖當元祐誠心相哲宗
闡藍初不入遺表尚深忠
簪笏兒孫少松楸盜賊空
經從每瞻拜何日免飄蓬

過高資丞相墓

六載今如此青松到屋梁
何言聲籍籍直作去堂堂
事已難追悔天高只痛傷
當時巴蜀使書疎不能忘

望三山放翁居

晚進違前輩湮才重此州
絕知他日少預作百年憂
樵牧非身致聰明不我謀
莫令司馬橐祇候茂陵求

泊通明

午夜通明泊朝來自啟蓬
驟看潮帶雨還作雪隨風
酒薄愁無料詩難老未工
疎寮有奇士恨不此行同

又約趙大再遊小陽明
其山全似峽中點煙一亭
可為吳越之冠

客路心常慰歸栖氣若低
經行天柱北夢想雪峰西
翠壁千岩長蒼煙半點迷
何當同拄杖重此聽猿啼

出婺城

萬頃平田雪前村昨夜梅夢還荆國舊吟欠免園才只
作尋詩去何曾為酒來茲行得奇事夾道有瓊瑰

歸棹

形役何時已淒涼莫更論鴈啼雲背月人語水邊村十
月冬猶暖三盃酒易昏悠悠信歸棹今夜宿誰門

雪霽歸湖山過千秋觀少留

縱轡不嫌遠逢山猶一登夕陽波渺渺殘雪塔層層折
竹橫遮道飢鳥下啄冰欲歸還小駐倚杖對峻嶒

在昔

在昔西遊日飄然入劍關酒醒天外驛詩爽峽中山天
地羈棲久鄉園縞素還不堪明鏡裡重覓舊朱顏

正月二十七日陪唐子耆登卧龍時稼軒已去令
人懷之

晴雨煙雲態高深會見聞亂山依越定一水向吳分元
白諸侯表揚王俊士群春風到紅綠花草總能文

書張氏壁

湖水遲朝渡湖村竟日留宵從沽酒飲故作挾書遊得

句因題壁逢人問買舟雙鳧應不遠知道客來不

題元真觀屋壁二首

琳宮無俗務書卷得相親樹影自知午暮聲不見人實
為蕭爽地暫得自由身客至誰能接應知懶是真
冬青幹已老栢樹亦蕭蕭紫殿歲年遠黃冠早晚朝井
甘鄰共汲食寡腹常枵永夜看河漢仙人似見招

玉麟堂上偶成

兩燕飛仍集池荷密復疎無心應人事隨意數遊魚
字千文冷薰風五月初玉麟堂上客曷日賦歸歟

安隱寺

樟樹何年種婆娑滿寺門金身虛象設畫壁儘塵昏
龍虎青山遠冰霜碧甃存坊官敬人客頃刻具有尊

題周氏庵

緩步勝騎馬迷塗問跨牛莖絲方擾擾湖水亦悠悠
解后因成款淹留却當游旁觀君共我真是兩沙鷗

別湖橋

步轉湖橋晚家園隔斷陂回看猶萬里別去不多時
攢子迎風立童兒以杖隨筍輿方坐睡到此忽成詩

三白

大雪平地尺臘中相見三無人堪共賞與壁自高設茗
事工為崇詩盟吊不成夢成蝴蝶去飛過百花巖

上清雪

撥雪尋行路推書問枕屏恍登瑤玉府憶在錦官城眠
少燈相伴愁多酒易醒寒鷄喚清曉匹馬又遐征

餘姚江上夜看殘雪

星斗夜迢迢江空一棹搖亂山詩態活殘雪醉魂消已
作無懷氏長思有道朝周公夢不見蓬底聽鷓鴣

奉和高秘書雲中雜興

平湖添細碧繞郭看新晴幸作當年瑞那無一日情睡
魂依酒濁詩味益茶清寒事今如許重捫反舌聲

次韻馬季思禁體雪二首

滌盡妖氛氣妝成富貴冬梅花香處覺人意火邊濃未
暖那飛絮非寒底見松絕憐階下竹腰折為誰恭
連樹曉氈氈行空馬脫驂瑞臻平地尺白見一年三照
眼花猶散齊腰話可參岑樓尋勝賞溪泛此何慚

詠月

入夜金盆上終宵玉鏡懸氣涼征戍骨腸斷別離緣皎
潔寧傷性虛明欲竟天平生看不足茲夕更悠然

又一首

既雨中秋望纖毫桂影分魄高疑壓霧香動欲衝雲稍
窘癡蟾窟全驚睡鵲群孤清若箇畔玉笛片時聞

秋風二首

秋風清入骨秋樹薄於雲老去悲時序新來斷句文燕
鴻相背發淫渭一生分信有難言事天高不為聞
秋風荷葉老秋月桂枝生萬物四時意八荒雙眼明憂

虞滋疾病治亂閱陰晴秔稻今年少無勞社酒傾

霜露吟

短褐新冬逼中流一棹孤旅程沙泊鴈行色樹穿驢霜
露悲愁骨功名畏老夫平生知范蠡嘗膽會吞吳

中秋扶病對月

久病頭如石中秋月似盆起瞻惟一色歸卧只空村信
有鄜州見曾同祕省論微吟到河漢桂樹忽飛翻

感秋

索索來何處梧桐昨夜黃蛩聲機杼月鴈影塞垣霜俗

尚儒餐貴家貧父業荒三秋病消瘦吾興入柴桑

秋感

朱槿不堪留牽牛上竹幽蛩聲清奪漏鷹翻勁思秋掩
春悲先哲看山憶舊遊閨情兼旅夢百慮五更頭

獨鳥

獨鳥愁歸翮霜寒沒世紛夢遥鄉思局砧急酒腥聞一
笑胡為爾中年更不群頗疑當日論飽飯薄能文

乳爵

乳爵機心淺逢人自不飛闊疎羅網事愛惜羽毛稀一

物知天理他年任布衣相忘容苟免吾與汝無違

老蚌

老蚌吸秋月飢鷹號朔風人生根蒂少物理短長同難
學纍纍印休書咄咄空餘年見兒態若箇白頭翁

題司馬提舉畫鷹

舊讀少陵句今觀司馬鷹風雲千變化天地一飛騰側
目看枝鳥回身掣臂繩何由飲西颡真逐羽毛升

學漁

舟楫蘋花渺江湖喜氣多一天飛白雨半夜濕青蓑帆

轉星初落潮歸鏡欲磨平生動中靜安枕信風波

北苑

北苑心無壯南窓眼費明病因盃酒見花值客愁生落
落知誰合紛紛詎不情未成幽處宅且逐衆人行

老鬢

老鬢驚霜覺春容帶雪來散愁詩數首覓醉酒三五行
店人歸少荒林鳥去回高情無與共自摘澗邊梅

霜毛

深深四簷雨眇眇一枝燈酒盡獨愁婦家貧全似僧中

年多感慨同好少交朋自省空諸有霜毛未可憎

即事

新筍看成竹春風去不知麥天蠶上早槐日燕飛遲褐
短偏憐婦家貧更惜兒十年霜鬢白未必總因詩

問水

頃別知何處重來喜奈何望洋誇海谷倒篋注天河變
化龜文坼淪漪鴨頂波白鷗沒浩蕩清興滿吟哦

五言長律

送三兄出宰常山

冷齋集 卷四
官次淹時久才華應世須及瓜逢六月行李過三衢迂
吏江邊少齋裝驛外都潮經渙浦夜檣泊富陽晡柳障
飛雲合花溪落照孤別情初島澹行色半菰蒲後日思
家否兼旬到縣無衙新跨綵棟俗厚省鳴枹陸走通閩
蜀川浮赴越吳往來紛鴈鷺富貴幾全珠故老知名父
諸公拜畫圖琴聲追舊宓謠詠溢今蘇馴聽桑間雉歡
瞻屋上烏源流從孔氏操履是顏徒卓魯方如許龔黃
盍念夫吾儕甘齟齬仕路不崎嶇霜葉看清緩秋蓬類
白鬚但令民若子何恤吏如奴宰相曾傳業郎官此問

途入朝端繼軌負郭款營租女大宜招婿兒單切教渠
箕裘綿代遠門戶更誰扶乃伯偏憐我尊兄况友于中
年嗟契濶少小事差殊木拱人難作連懷鯉共趨鵬程
方滾滾愚意獨區區日者閑門隔茲行郡國迂吟風誰
屬和飲月欠相呼一室甘岑寂回舟思鬱紆倘歸存老
拙應與釣耕俱

梅口遣興

屏迹甘衡陋馳書捷置郵繫匏成潦倒行李當嬉遊偶
往無前約明知不自由米鹽嗔婦問書劔惜兒留頗涉

湖隄遠旋驚野店稠小梅溪側寺疎柳驛邊棲放燒催
青入瞻山揭翠流鷄籠從勢卓獅卧得形脩花面施家
說碑顏蠡廟脩池水魚附藻縣早肉垂鈎短景中俄足
孤煙散復收數鳧將子出一鴈落聲幽古怪藤妨瓦灣
碕石礙輶度危還借步揭淺更呼舟粟大封懸屋其香
炒貯甌氣豪紛毆擊博負幾喧啾月與星偕隱雲將雪
共謀拾岩乾憲宰汲澗冷颼颼少飯糶為食無衣紙作
表楮艱錢愈瘦吏墨政仍偷橋幻僧伽佛析傳嶺海囚
舞儺群畫鬼唱牧和村謳釘坐初嘗蠟比隣選解牛門

符於鷲詭館泊佐侶優來種稀稀糝機羅軋軋抽謝媒
茶褐襖迎婦柿紅毬酒味輕疑水泥途滑過油騎都應
赴祿輿戛定包憂稍稍更墟市迢迢隔坂工土風隨變
易人語欠溫柔倚伏時皆有文章理亦猶本然天意覺
去就物情求叔世誰青眼當年早白頭生涯潘令拙旅
次庾郎愁詩好霜侵鬢設高雪在喉極思閒似塚只合
懶如鳩命豈奔波注官知老病休漫云予有罪寡信彼
堪羞久矣鷗盟杜居然蝶夢周詰朝纔婺女曷日到衢

州

吏部觀文均所愛因聲廊廟一丁寧

喜雨和轉庵韻

香霧騰雲滙鬱蒸九重精禱格真清連朝潤澤非凡雨
通國歡呼荷聖情好句便疑從地湧勞歌不復和車聲
鷄鳩屋角休無賴未許尋常喚婦鳴

雨後乞御正殿得請次韻

已成霖雨慰黎蒸聖主齋居尚穆清奏許正朝仍玉食
盡回喜色見民情衣篝不惜添梅潤籤帙從堆亂葉聲
要雨雨來天便許不須更卜白鼉鳴

酬王木叔判院喜雨韻

雨在琴書滲更蒸雨餘衣袂潤猶清良苗日起有佳色
聖澤天同無靳情得句餉耘聊志喜欲歌擊缶不容聲
居然引玉何從至敢向黃鍾作釜鳴

四月二十四日喜雨次振之韻

朝來驟雨鬱煩蒸晚見疎星掛漢青大點忽隨風信入
好聲先覺夢魂聽春過種失農猶及喜極詩成語未停
每恨買山無醞藉不知肝膽露青萍

劉振之訪別舉似喜雨詩次韻

尺澤霏微起寸陰稍蘇焦槁見青青便疑菽粟中天降
絕喜階除半夜聽訪我尚期新舊雨話歸還憶短長亭
交遊若問今何似世味諳來似楚萍

喜雨忽風作酬仲歸

觸石興雲走列峰天官日日課分龍有懷共喜神靈雨
無術添驅變化筇枕上佳音欣濺瀑田間樂事喻號鍾
連朝風伯何從惡敢不凌兢為肅容

次韻仲歸喜雨有旨願之意

願試黃昏上古湯社中今得沈東陽素衣肯為緇塵染

秀句殊增灌頂涼不惜聯翩過舊隱也欣滂沛洗炎光
預知定得驚人語約畧眉開喜氣黃

家國

長安五月大雲堆客子先陰髮髮催謀國已嗟無位及
憂家不怕有書來榴花照眼何曾摘萱草驚心不要開
焉得男兒借征戍等閒挈取版圖回

悟前生

秋風拂拂草頭青秋日離離萬寶成懶把幽懷經俗事
每因前境悟他生謝郎船上魚新買賀監湖邊酒細傾

冷然齋集 卷五
七十三分今過二且然無忤白鷗盟

名節

了知名節重如山誰信今人古誼存百草前頭梅萼秀
群飛之內鳳皇尊有身合下陽城拜無些能招宋玉魂
公道世間猶我輩未妨歸卧掩柴門

感春

紛紛忙事幾曾閒快上高樓得解顏夜月一奩花似鏡
春風千壘柳如山多情未放芳塵遠漸老難追少日還
燕子飛來那有意又催圓扇入懷間

春去

城郭春風賦式微忽看鶯老燕鷓飛秧田水滿聞姑惡
樹葉陰濃叫姊歸百歲襟期真索莫十年心事只依稀
人間我亦無能者華髮蒼顏未必非

聽雨

三分春事二分休造化明明百草頭一夜雨聲清似玉
半窻梅影淡於秋家貧只與詩為伍客去從教睡作儔
敗衲依然湖海濶老來無喜亦無憂

雨

冷齋集 卷五 四
春禽喚雨屋上呼二月韶光一半無作崇豈逃泥滑滑
原情當坐穀孤孤不應豈寇花稍重已怪荼蘼葉子麤
年去年來誰奈得酒酣擊缶和鳴鳴

次韻曾文清公復熱句

百頃蒼波望似空鑿冰吾道浸其中何言雷電不為雨
須信梧桐自有風子晉臺頭笙遠近西真池面玉丁東
行牋章奏求清冷乞取元冥換祝融

熱

夏雲端的似竒峰忽作頽墻四面紅坐想微風過荷葉

夢成疎雨滴梧桐浮家何計來波上舉扇無因出焙中
三十餘年吟冷語今年吟到水晶宮

次韻頽小弟秋日

游鱗羈羽任浮沉老大凄然感歲陰風底波紋生別浦
雨餘山影出疎林殘年不足償多病萬事寧須付有心
滿眼黃花一杯酒愴懷元弗為聽砧

雪

窮冬那得許竒觀疑怪重衾夜更寒正爛熳花隨處有
不堅牢玉暫時看上章謁帝應留得下令教兒莫掃乾

冷齋集 卷五
岐路楊朱定垂泣東西南北總漫漫

簡銛朴翁兼簡敬叟二首

雪花梅萼兩婆婆梅雪相催奈老何只合孤山訪和靖
不應華屋比東坡詩情可喜絲生髮歸意猶須冰泮河
林下相尋未岑寂木魚能拍鳥能歌

生機幻法不無神信手拈來却是真雪月梅花同一色
陳黃蘇老只三人論詩已其頂門眼選勝直賒頭上春
晉請西湖作公案與師聊結未來因

遣興

風林縹緲有如無煙樹重重直愛渠今我時光能有幾
古人詩興已無餘又隨弱舫衝湖去永結茅廬並水居
旅館蕭條厨傳少江妃來遺一雙魚

自述

交友凋零似曉星生涯依舊短長亭前身房琯仍名永
今代蘇耽不姓丁兒女成行頭自白湖山相對眼終青
還鄉曲調如何唱枯樹無言最可聽

壽陸放翁三首

年事依稀鬢復青看書細字眼猶明池邊有種桃初熟

籬下曾枯竹再生已覺貂蟬除世念未妨龜鶴伴詩情
日供薪水門人職準擬金丹點鐵成

邊松坐石日從容故國靈光只我公豈有文章高海內
獨將身世老山中丹頭躍笋分明異梅萼含椒却漸紅
千載斯文要宗主不妨留眼看歸鴻

花間乳鹿笑相迎拄杖穿花導鹿行六子子孫俱宦達
三山山水亦聰明論詩何止高南渡草檄相看了北征
帶得門人也仙骨年年來此賀長生

三山放翁先生朝以筇竹杖為壽一首

信手公侯八十年言歸山澤更臞仙聲名固自蓋天下
耆老所當留日邊滿腹詩書真我有一門簪笏自家傳
持來筇杖非無意竊比東坡壽樂全

聞孟良父侍郎解婺印改江東漕再和堆字韻

十行芝檢從天下六月荷花照水開未必便將東節去
不妨政用此時來安排過關留中奏想像攀轅戀別盃
遣賀以時非造次索公一笑簿書堆

舟次橫河呈孫季和通守

冉冉歸雲不自閒紛紛暮靄已依山時光盡入髭鬚裡

行色元非草樹間，舊臘新正能幾許。
麤衣糲飯試諸難，吾生所恨長飄泊。
又宿汀州白露灣。

十月二十八日遷入趙氏借屋，適有名酒，乃延致內黃侯約兄弟共醉。賴季有詩次韻一首。

黃花已判一年休，短褐無端又去秋。
環堵肯云原憲病，卜居那免屈平愁。
交情白髮知難有，故里青山未拙謀。
醜我橫戈陪季夢，人間唐棣薄公侯。

次韻葛天民

心火調停久不燒，詩書聊以永今朝。
擬尋筇杖遊還懶。

望見梅花意已銷，原憲既貧應甕牖。
顏回所樂是箪瓢，歲寒交友今餘幾。
留取人間作後凋。

次韻虞叟兄

百嘉萌動春來意，兩頰參差少日紅。
有底心情桃葉渡，不堪時世柳花風。
先朝諸老知誰健，短歷今年又已窮。
忙事盡歸趺坐裏，侯封從付立談中。

賴叟弟贈別韻

狙公多詐感朝三，蟻穴何知亦戰酣。
世上規行無中矩，人間北看有城南。
懷哉猷猷終從欲，老矣江湖合罷參。

便道阿連同結屋未妨作蠶似春蠶

次頴叟弟送行韻

相傳衣鉢已分明早學詩含鮑謝情心腹於人惟有弟
襟懷無我獨非兄偶隨江路帆孤往便憶梅窓酒對傾
歲晚勉旃無廢學他年夷惠看雙生

次韻虞叟九兄七月一日作

日月跳丸逝不留吟蛩得意蛻蟬憂終更末伏應無暑
望見中元便有秋風爽氣先青草動雨涼心共白蓮幽
誰能跨鶴來西顛三十天取次遊

次韻知縣三兄

楊柳依依萬縷絲梅花無計與扶衰十分酒滿悶如昨
一半春休雨未知安得詩書成保社畧空岩壑有心期
扁舟短策尋常事肥馬輕裘我不為

趙黃州寄示詩絕奇次韻

書回聞道讀春秋筆削餘功指顧收魯國故知人有禮
周家那得聖無憂非君著意扶公穀以我何辭贊夏游
會引青藜校天祿毋忘華髮此滄州

將別頴叟弟

兄弟無聊各數年東堂猶喜聚炊煙
儵然汝更尋靈照別後吾知憶
惠連擊汰便應從櫓外看書誰與共
燈前明朝不待夔夔鼓祇有閨門及早眠

次韻賴叟弟送行

閒道驅車逐帥旗別情惟有弟兄知
百年同好少張仲舉世誰人似子期
竹葉尚堪中酒聖梅花真是斷腸枝
蒼崖縛屋歸來好此計輸君我後時

走筆謝高秘書送示詩文

郊居近郭非寂寞蟠竹結茅依野塘
白屋老人設黍稷

青雲學士送文章藕花開後滿船月
楓葉落時緣路霜年過三紀不稱意
隨分江湖作醉鄉

和十二弟韻

三伏回頭夢欲醒五更風露月逾清
病餘似鶴精神爽老去如僧念慮輕
邊面只今多勇戰人間從昔少閒行
何當封事天皇殿乞借秋霖洗甲兵

奉送呂表叔赴江陰

春風乍入澄江郡最愛君山一點青
柳外化民安若子鷗邊為政出於經
每慚舊守勤招喚况識今侯更典刑

此去交承如借問侯巴貧病髮星星

和巖壑兄九日

華顛可笑插茱萸兒女歡然競挽鬚故國黃花元自好
荒臺青草孰為娛舉觴感慨悲歌有落帽風流蘊藉無
拈起半生如意事今愚何似古之愚

閒居復遇重九悠然興懷頗謂此節特宜於貧蓋
富貴者不知若是之清美也因賦唐律呈同社

風淒日薄鬢毛新歲歲年年樂此辰多少昔賢留賦咏
大都九日稱清貧甕頭無酒心仍醉籬下看山意愈真

自采黃華供陶謝迺來佳興屬何人

和陸判院懷祖

柴門臨水對山開日日思君君不來與君相忘書萬卷
於人無忤酒三杯參乎畢竟曾師孔賜也如何敢望回
况是升沉方自此丹陽聞道好官催

次韻知縣兄

秋聲物物類歌幽旋轉天機屬大鈞一雨薦涼全卻暑
兩湖添綠不生塵黃花又近重陽酒白髮長思五柳人
急喚西風與前洗恨無好句逐時新

五和堆字韻呈孟漕

十年但有書題問今日親逢幕府開
薤本自迎公始到桃花應笑我重來
何妨解后評詩句不用殷勤治酒盃
辦取籃輿共吟賞石頭秋晚亂雲堆

送陸懷祖之官丹陽

放翁去作水中仙有子平生在眼前
鍾愛甚於賢伯仲傳家仍自好詩篇
官為篋庫官無小會復公侯澤更綿
我亦與君非久別秋來須上浙西舡

送富知丞之官丹陽

官袍歲久不能青放了銅章卻縣丞
時世自新醒眼看古心逾拙白髭生
有田有屋寧三仕隨風隨雨又一行
舉世其誰識公者臨期何獨悵離情

次九兄秋句

愁多端的似無愁何況周行苦滯留
蘆簷月連銀界曉榆閑寒護玉峰秋
挑燈屢作聞雞舞看劍長思躍馬遊
從古封侯欠英傑幽燕終欲笑談休

簡朱子大學士一首

石家曾作送君來建業收書未得開
只道還家仍款曲

誰知分袂許悲哀冥間孰與論心事世上誰堪共酒盃
昨到唯堂前後奠卻瞻喬木肺肝推子大父喪未除

悼刻姊

連幃消息判沈沈鴈序殊鄉缺嗣音擇對謾言雙易姓
何人堪託一分心孤魂寂寞丘中土庶子凋零地下金
沒固無聊生亦爾忍令行路獨霑中

張平父逝後寄堯章

入門回首事如麻豈意銘旌落主家有夢合尋茗水路
何心更種馬塍花十年知遇分生死八口飢寒足歎嗟

我亦此公門下客只今垂淚過京華

哭唐姑丈縣尉

一官藍綬只虛名兩婦朱絲合不成問我諸姑先冢舍
別君三日復銘旌高堂寂寞朝昏養側戶乖遺子女情
欲寫此哀無處所竹風荷雨淚縱橫

懷古

故宮何在綠離離逆順興亡世所知草木尚懷勾踐德
山川仍識夏王悲行人月下誰吹笛游客街前自買碑
欲倚闌干問陳迹蒼煙白露兩遲疑

八月十五日遊禹祠告成觀

度密穿青且意行窮居誰識萬人英
山當鑿處終須好水到平時自不鳴
夏德真應參大始禹功那復告其成
登臨遺廟秋風裏不盡今來古往情

雲門寺

重岡落日思依依地老天荒閱盛衰
萬古煙蘿千古寺唐朝詩句晋朝碑
鶴貪清氣隨僧住松引寒聲助客悲
十載重來衫鬢改筇輿回路獨移時

清涼寺

倚石為城竟是癡春風秋雨奈何其
山容似鐵猶能改世事如棊未可知
廟食孫郎餘草莽龕燈弥勒賸琉璃
相逢一笑真難得把筆賡詩記此時

秋日泛鏡中憇千秋觀

病起重來理釣絲扁舟迨及素秋時
舊山獨有青山在幽趣唯應白鳥知
冉冉年光行老矣茫茫世路欲何之
秦皇酒榼苔封徧虛負霜螯左手持

湖山之間有石
罅秦皇酒甌

蔣山寺

高人元是愛山林倦翼猶思息樹陰
况是先賢遺舊跡

未妨吾黨得幽尋，熙豐法在言何害。
莘渭人非恨已深，老我誰能知許事。
自敲亭竹和猿吟。

松桂堂

素鞵歸來痛倚廬，四時花鳥護幽居。
躬行已達參乎孝，佩服難忘孔子書。
綠蔭千年知不改，清香奕世豈無餘。
客來已有徵前夢，未必中堂影像虛。

晚步湖橋

吳儂生長鏡湖邊，湖晚登橋意欲仙。
初見蒼山下紅日，忽看白月上青煙。
收藏畫本歸吟筆，應答漁歌送客舡。

回首更闌人去後，玉虹橫浸冷金眠。

次韻古梅

獨立枝南萬事非，歲寒引去合知幾。
伯夷自信西山餓，公望何須東海歸。
笛外數聲空入夢，江頭一樹忽斜暉。
相看有愧垂垂老，莫遣無端片片飛。

梅花樹下讀高兄詩

尋思秘閣賢郎樣，一似梅花帶竹枝。
每到君邊作梅想，却來梅下讀君詩。
崇奎堂暖春風候，射的山寒夜雪時。
安得居遊君共我，梅花三友說心期。

冷齋集 卷五
次韻高似之秘書謝薛書記七月二十七日早桂
翠蕤低映鬱金裳昨夜千門萬戶涼蟾小未禁仙掌露
犀寒先透玉墀霜喚回臨水登山意惱亂薰天撲地香
歲歲為花愁夜徹雅歌欲和底成章

又歎遶前雜花草

十年屢作花開想開盡凡花獨未開祝付化工應念此
保全根撥待時來為梅自合和羹鼎是菊終須上酒盃
莫笑淒涼周茂叔窻前生草草成堆

白鷗

白鷗相見忽相猜居士星星似我哉習懶更無詩一句
洗愁惟有酒三杯看梅做雪行歌去翫月如霜弄影來
學得平生安樂法等閒不受鬢毛催

飛鳴

飛鳴一鴈帶秋回寂歷黃花傍節開草木不逃天地後
禽魚常罹網羅災中年衣食憂妻子道遠舟車勸往來
未了此生誰料得相逢且覆眼前盃

混迹

桃花新綠漲溪橋楊柳佞佞弄舞腰二月不堪寒尚在

冷齋集 卷五
一春無那病相撩書編讀半懶重讀爐籀燒殘欣復燒
老向人間除妄想但思混迹向漁樵

太息

生物趨功日夜忙中年轉覺事茫茫時情何限刀邊蜜
歲晚偏多葉上霜此岵增悲誰覆載桃梅結實幾青黃
讀書不辦閑門計又著麻鞋走四方

釣魚

白頭波上白頭翁竹葉杯邊竹葉叢烹鴈罪因應鴈得
非魚樂語詎魚同醉醒未覺乾坤異起滅懸知水鏡空

嚴子向來無世念謝郎今日有家風

團扇

團扇光陰又一年楚騷心事忽淒然風高碧落無窮鴈
日暮青山欲斷蟬老去極思頑似石古來元忌直如弦
吾廬咫尺金沙地聊與僧伽話夙緣



冷然齋集卷五

國家圖書館, NATIONAL CENTRAL LIBRARY, TAIWAN, R.O.C.

冷然齋集

卷五

五

冷然齋詩集卷五



上樓大參二首

山陰 蘇洞 召叟

貞元朝士久成空故國靈光但有公四海已遲
三日雨小荒同在一春風耆年盛德天應相大
冊高文老更工且為商家了梅事未須海道覓
舟東

四朝相業舊儀形今代衣冠類曉星青眼更誰
憐後裔白頭空復抱遺經冲霄有路開籠雀槁

案無時泣卷螢吏部觀文均所愛因聲廊廟一
丁寧

喜雨和轉菴韻

香霧騰雲滃鬱蒸九重精禱格真清連朝潤澤
非凡雨通國惟呼荷聖情好句便疑從地湧勞
歌不復和車聲鷓鴣屋角休無賴未許尋常喚
婦鳴

雨後乞御正殿得請次韻

已成霖雨慰黎蒸聖主齋居尚穆清奏許正朝

仍玉食盡回喜色見民情衣篝不惜添梅潤籤
帙從堆亂葉聲要雨：來天便許不須更卜白
鷺鳴

酬王木叔判院喜雨韻

雨在琴書溽更蒸雨餘衣袂潤猶清良苗日起
有佳色聖澤天同無靳情得句餉耘聊志喜欲
歌擊缶不容瞽居然引玉何從至敢向黃鍾作
釜鳴

四月二十四日喜雨次振之韻

朝來驟雨鬱煩蒸晚見疎星挂漢清大點忽隨
風信入好聲先覺夢魂聽春過種失農猶及喜
極詩成語未停每恨買山無醞藉不知肝膽露
青萍

劉振之訪別舉似喜雨詩次韵

尺澤罪微起寸陰稍蘇焦槁見青：便疑蘇粟
中天降絕喜階除半夜聽訪我尚期新舊雨話
歸還憶短長亭交游若問今何似世味諳來似
楚萍

喜雨忽風作酬仲歸

觸石興雲走列峯天官曰：課尔龍有懷共喜
神靈雨無術添驅變化筇枕上佳音欣濺瀑田
間樂事喻鼙鐘連朝風伯何從惡敢不凌競為
肅容

次韵仲歸喜雨有肩頤之意

願試黃昏上古湯社中今得沈東陽素衣肩為
緇塵染秀白珠增濯頂涼不惜聯翩過舊隱也
欣滂沛洗炎光預知定得驚人語約畧眉間喜

氣黃

家國

長安五月火雲堆
客子光陰鬢髮催
謀國已嗟無位及
憂家不怕有書來
榴花照眼何曾捨
萱草驚心不要開
焉得男兒備征戍
等閒挈取版圖回

悟前生

秋風拂：草頭青
秋日離：萬寶成
懶把幽懷經俗事
每因前境悟他生
謝郎船上魚新買
賀

監湖邊酒細傾
七十三分今過二
且然無忤白鷗盟

名節

了知名節重於山
誰信今人古誼存
百草前頭梅萼秀
羣飛之內鳳皇尊
有身合下陽城拜
無些能招宋玉魂
公道世間猶我輩
未妨歸卧掩柴門

感春

紛：忙事幾曾閒
快上高樓得解頰
夜月一奩

花似鏡春風千疊柳如山多情未放芳塵遠漸
老難追少日還燕子飛來那有意又催團扇入
懷閒

春去

城郭春風賦式微忽看鶯老燕雛飛秧田水滿
聞姑惡樹葉陰濃叫姊歸百歲襟期真索莫十
年心事只依稀人間我亦無能者華髮蒼顏未
必非

聽雨

三分春事二分休造化明：百草頭一夜雨聲
清似玉半窗梅影淡于秋家貧只與詩為伍客
去從教睡作儔敗衲依然湖海闊老來無喜亦
無憂

雨

春禽喚雨屋山呼二月韶光一半無作祟豈逃
泥滑：原情當坐穀孤：不應豆蔻花梢重已
怪荼蘼葉子麤年去年來誰奈得酒酣擊缶和
鳴：

次韻曾文清公復熱白

百頃滄波望似空，鑿冰吾道浸其中。何言雷電不為雨，須信梧桐自有風。子晉臺頭笙遠近，西真池面玉丁東。行牋章奏求清冷，乞取玄冥換祝融。

熱

夏雲端的似竒峯，忽作頽牆四面紅。坐想微風過荷葉，夢成疎雨滴梧桐。浮家何計來波上，舉扇無因出焙中。三十餘年吟冷語，今年吟到水

晶宮

次韻穎小弟秋日

游鱗羈羽任浮沈，老大淒然感歲陰。風底波紋生別浦，雨餘山影出疎林。殘年不足償多病，萬事寧須付有心。滿眼黃花一杯酒，愴懷元弗為聽砧。

雪

窮冬那得許竒觀，疑怪重衾夜更寒。正爛熳花隨處有不堅，牢玉暫時看上章。謁帝應留得下

令教兒莫掃乾歧路楊朱定垂泣東西南北揔
漫：

簡銛朴翁兼簡敬叟二首

雪花梅萼兩婆婆梅雪相催奈老何只合孤山
訪和靖不應華屋比東坡詩情可喜絲生鬢歸
意猶須冰泮河林下相尋未岑寂木魚能拍鳥
能歌

生機幻法不無神信手拈來却是真雪月梅元
同一色陳黃蘇老只三人論詩已具頂門眼選

勝直賒頭上春普請西湖作公案與師聊結未
來因

遣興

風林縹緲有如無烟樹重：直愛渠今我時光
能有幾古人詩興已無餘又隨箭舫衝潮去未
結茅廬並水居旅館蕭條厨傳少江妃來遺一
雙魚

自述

交友凋零似曉星生涯依舊短長亭前身房琯

仍名永今代蘇耽不姓丁
兒女成行頭白白湖
山相對眼終青還鄉曲調如何唱
枯樹無言寂
可聽

壽陸放翁三首

年事依稀鬢復青
看書細字眼猶明
池邊自種
桃初熟籬下曾枯竹
再生已覺貂蟬除
世念未
妨龜雀伴詩情
日供薪水門人職
準擬金丹點
鐵成
邊松坐石日從容
故國靈光只我公
有文章

高海內獨將身世老
山中丹頭躍箭分明異
梅
萼含擘即漸紅
千載斯文要宗主
不妨留眼看
歸鴻

花間乳鹿笑相迎
拄杖穿花導鹿行
六子：孫
俱官達三山：水亦聰明
論詩何止高南渡
草
檄相看了北征
帶得門人也仙骨年：來此賀
長生

三山放翁先生：朝以筇竹杖為壽一首
信手公侯八十年
言歸山澤更矐仙
聲名固自

蓋天下者老所當留日邊滿腹詩書真我有一
門簪笏自家傳持來筇杖非無意竊比東坡壽
樂全

聞益良父侍郎解婺印改江東漕再和堆
字韵

十行芝檢從天下六月荷花照水開未必便將
東節去不妨改用此時來安排過關笛中奏想
象攀轅戀別盃遣賀以時非造次索公一笑簿
書堆

舟次橫河呈徐季和通守

冉：歸雲不自閒紛：莫靄已依山時光盡入
鬢鬢裏行色元非草樹間舊臘新正能幾許麤
衣糲飯試諸難吾生所恨長飄泊又宿汀州白
露灣

十月二十八日遷入趙氏借屋適有名酒

乃延致內黃侯約兄弟共醉穎季有詩次

韵一首

黃花已判一年休短褐無端又去秋環堵冒云

原憲病卜居那免屈平愁交情白髮知難有故
里青山未拙謀醜我橫戈陪季夢人間棠棣薄
公侯

次韵葛天民

心火調停久不燒詩書聊以永今朝擬尋筇杖
游還懶望見梅花意已銷原憲既貧應甕牖頽
回所樂是簞瓢歲寒交友今餘幾箇取人間作
後凋

次韵虞叟兄

百嘉萌動春來意兩頰參差少日紅有底心情
桃葉渡不堪時世柳花風先朝諸老知誰健短
歷今年又已窮忙事盡歸趺坐裏侯封從付立
談中

穎叟弟贈別韵

粗公多詐惑朝三蟻穴何知亦戰酣世上規行
無中短人間北看有城南懷哉畎畝終從欲老
矣江湖合罷參便道阿連同結屋未妨作蠶似
春蠶

次穎叟弟送行韻

相傳衣鉢已分明早學詩含鮑謝情心腹于人
惟有弟襟懷無我獨非兄偶隨江路帆孤往便
憶梅窓酒對傾歲晚勉旃無廢學他年夷惠看
雙清

次韻虞叟九兄七月一日作

日月跳丸逝不留吟蛩得意蛻蟬憂終更末伏
應無暑望見中元便有秋風爽氣先青草動雨
涼心共白蓮幽誰能跨雀乘西翫三十三天取

次遊

次韻知縣三兄

楊柳依：萬縷絲梅花無計與扶衰十分酒滿
悶如昨一半春休而未知安得詩書成保社畧
空岩壑有心期扁舟短策尋常事肥馬輕裘我
不為

趙黃州寄示詩絕奇次韻

書回開導讀春秋筆削餘功指碩枚魯國故知
人有禮周家那得聖無憂非君著意扶公穀似

我何辭贊夏游會引青藜杖天祿毋忘華髮此
滄州

將別穎叟弟

兄弟無聊各數年東堂猶喜聚炊烟
翛然汝更尋靈照別後吾知憶惠連
擊汰便應從櫓外看書誰與共燈前
明朝不待琴三鼓祇有關門及早眠

次韻穎叟弟送行

聞道驅車逐帥旗別情惟有弟兄知
百年同好

少張仲舉世誰人似子期竹葉尚堪中酒聖
梅花真是斲腸枝蒼厓縛屋歸來好此計
輸君我後時

走筆謝高祕書送示詩文

郊居近郭非窳莫蟠竹結茅依野塘
白屋老人談黍稷青雲學士送文章
藕花開後滿船月楓葉落時緣路霜
年過三紀不稱意隨分江湖作醉鄉

和十二弟韻

三伏回頭夢欲醒
五更風露月逾清
病餘似雀精神爽
老去如僧念慮輕
邊面只今多勇戰
人間從昔少閒行
何當封事天皇殿
乞借秋霖洗甲兵

奉送呂表姊赴江陰

春風乍入澄江郡
策屨君山一點青
柳外化民安若子
鷗邊為政出于經
每慚舊守勤招喚
况識今侯更典刑
此去交承如借問
侯芭貧病髮皇

和巖壑兄九日

華顛可笑插茱萸
兒女歡然競挽鬚
故國黃花元自好
荒臺青草孰為娛
舉觴感慨悲歌有
落帽風流蘊藉無
拈起半生如意事
今愚何似古之愚

閒居後遇重九
悠然興懷頗謂此節特宜
于貧蓋富貴者不知若是之清美也
因賦

唐律呈同社

風淒日薄鬢毛新
歲：年：樂此辰多少
昔賢

留賦詠大都九日稱清貧甕頭無酒心仍醉籬
下看山意愈真自采黃花供陶謝迺來佳興屬
何人

和陸判院懷祖

柴門臨水對山開日：思君、不來與世相望
書萬卷於人無忤酒三盃參乎畢竟曾師孔賜
也如何敢望回况是升沈方自此丹陽聞道好
官催

次韻知縣兄

秋聲物：類歌幽旋轉天機屬大鈞一雨薦涼
全卻暑兩湖添綠不生塵黃花又近重陽酒白
髮長思五柳人急喚西風與前洗恨無好句逐
時新

五和堆字韻呈孟漕

十年但有書題問今日親逢幕府開莖本自迎
公始到桃花應笑我重來何妨解后評詩句不
用殷勤治酒盃攤取籃輿共吟賞石頭秋晚亂

雲堆

送陸懷祖之官丹陽

放翁去作水中仙，有子平生在眼前。
鍾愛甚于賢伯仲，傳家仍自好詩篇。
官為筦庫官無小，會復公侯澤更綿。
我亦與君非久別，秋來須上浙西船。

送富知丞之官丹陽

官袍歲久不能青，放了銅章卻縣丞。
時事自新醒眼看，古心逾拙白髭生。
有田有屋寧三仕，隨雨隨風又一行。
舉世其誰識公者，臨期何獨悵。

離情

次九兄秋句

愁多端的似無愁，何況周行苦滯留。
笛蘆簷月連銀界，曉榆關塞護玉峯。
秋挑燈屢作聞雞舞，看劍長思躍馬遊。
從古封侯欠英傑，幽燕終欲笑談收。

簡朱子大學士一首

石家曾作送君來，建業收書未得開。
只道還家仍款曲，誰知公袂許悲哀。
冥間孰與論心事，世

上誰堪共酒盃
昨到帷堂前後奠
却瞻喬木肺
肝摧

子大父
喪未除

悼剡姊

庭幃消息判沈沈
雁序殊鄉缺嗣音
擇對謾言
雙易姓何人堪託
一分心孤魂寐莫丘
中土庶
子凋零地下金沒固
無聊生亦尔忍令行路獨
霑巾

張平父逝後寄堯章

入門回首事如麻
豈意韶旌落主家有
夢合尋
苦水路何心更種馬
塍花十年知遇分
生死口飢寒足歎嗟
我亦此公門下客
只今垂淚過
京華

哭唐姑丈縣尉

一官藍綬只虛名
兩婦朱絲合不成
問我諸姑
先冢舍別君三日
復銘旌高堂窳莫朝
昏養側
戶垂遺子女情
欲寫此哀無處所
竹風荷雨淚
縱橫

懷古

故宮何在綠離：逢頌興亡世所知草木尚懷
白踐德山川仍識夏王悲行人月下誰吹笛游
客街前自買碑欲倚闌干問陳迹蒼烟白露雨
遲疑

八月十五日遊禹祠告成觀

度密穿青且意行窮居誰識萬人英山當鑿處
終須好水到平時自不鳴夏德真應參大始禹
功那復告其成登臨遺廟秋風裏不盡今來古
往情

雲門寺

重留落日思依：地老天荒閱盛衰萬古烟蘿
千古寺唐朝詩句晉朝碑崔貧清氣隨僧住松
引寒聲助客悲十載重來衫鬢改筇輿回路獨
移時

清涼寺

倚石為城竟是癡春風秋雨奈何其山容似鐵
猶能改世事如碁未可知廟食孫郎餘草莽龕
燈彌勒賸流離相逢一笑真難得把筆賡詩記

此時

秋日泛鏡中憇千秋觀

病起重來理釣絲扁舟迨及素秋時
舊交獨有青山在幽趣唯應白鳥知
冉冉年光行老矣茫茫世路欲何之
秦皇酒榼苔封徧虛負霜螯左手持

湖山之間有石
號秦皇酒甕

蔣山寺

高人元是愛山林倦翼猶思息樹陰
况是先賢遺舊跡未妨吾黨得幽尋
熙豐法在言何害莘

渭人非恨已深老我誰能知許事
自敲亭竹和猿吟

松桂堂

素鞵歸來痛倚廬四時花鳥護幽居
躬行已達參乎孝佩服難忘孔子書
綠蔭千年知不改清香奕世豈無餘
客來已自徵前夢未必中堂煮像虛

晚步湖橋

吳儂生長鏡湖邊湖晚登橋意欲仙
初見蒼山

冷然集卷五

下紅日忽看白月上青烟
收箴畫本歸吟筆應
答漁歌送客船回首更闌人
去後玉虹橫浸冷
金眠

次韵古梅

獨立枝南萬事非
歲寒引去合知幾
伯夷自信
西山餓公望何須
東海歸笛外數聲
空入夢江
頭一樹忽斜暉
相看有愧垂
老莫遣無端片
片飛

梅花樹下讀高兄詩

尋思祕閣賢郎樣
一似梅花帶竹枝
每到君邊
作梅想却來梅下
讀君詩
崇奎堂暖春風
候射
的山寒夜雪時
安得居遊君
共我梅花三友說
心期

次韵高似之祕書謝薛書記七月二十七

日早桂

翠蕤低映鬱金裳
昨夜千門萬戶涼
蟾小未禁
仙掌露犀寒先透
玉墀霜喚回臨水
登山意
惱
亂薰天撲地香
歲、為花愁
夜徹雅歌欲和底

成章

又嘆庭前襟花草

十年屢作花開想
開盡凡花獨未開
祝付化工應念此
保全根撥待時來
為梅自合和羹鼎
是菊終須上酒盃
莫笑淒涼周茂林
窻前生草：

成堆

白鷗

白鷗相見忽相猜
居士星：似我執習懶更無
詩一白澆愁惟有酒
三杯看梅傲雪行
歌去翫

月如霜弄點來
學得平生安樂法
等閒不受鬢
毛催

飛鳴

飛鳴一雁帶秋回
窻歷黃花傍節開
草木不逃天地役
禽魚常呈網羅災
中年衣食憂妻子
道遠舟車勸往來
未了此生誰料得
相逢且覆眼前盃

濕迹

桃花新漲漲溪橋
楊柳漾：弄舞翬二月不堪

寒尚在一春無那病相撩
書編讀半懶重讀爐
籀燒殘欣復燒老向人間
除妄想但思混迹向
漁樵

太息

生物趨功日夜忙
中年轉覺事茫茫
時情何限
刀邊蜜歲晚偏多
葉上霜此咄增悲
誰覆載桃
梅結實幾青黃
讀書不辦關門計
又著麻鞋走
四方

釣魚

白頭波上白頭翁
竹葉杯邊竹葉籠
烹雁罪因
雁得非魚樂語
詎魚同醉醒未覺
乾坤異起
滅縣知水鏡空
巖子向來無世念
謝郎今日有
家風

團扇

團扇光陰又一年
楚騷心事忽凄然
風高碧落
無窮雁日莫青山
欲斷蟬老去極思
頑石石古
來元忌直如弦
吾廬咫尺金沙地
聊與僧伽話
夙緣



冷然齋詩集卷五完

冷然齋詩集卷六

山陰 蘇洵 召叟

巖壑先去歲此時作春前四絕白姿媚可愛然猶有遺者因復作一首

縈風送臘回生意徧陳葵似織如絲處春從裏
許來

夜二首

明月耿清夜亂蛩啼草根幽人渾未寢獨自倚
柴門

明月在天上流光徧草萊平生一尊酒思與故人開

鏡湖

蒼：烟霽塔了：月明山坐久忽不見濛：杳杳間

舟中

一葉舟中宿風高浪亦高回頭人世事真覺細如毛

杜宇

望帝城中住春宵血沁花何鄉真萬里還憶夢中家

聞鶯

一個冬青樹鶯聲日：來屋西偏姬妲應是綠雲堆

梅花

清貞表獨立半蕊便風流信有魁天下羣芳未轉頭

贈草

一陣春風起依然故舊情
牆根霜下草吾與汝更生

十六日伏覩明堂禮成聖駕恭謝太一宮
小臣敬成口號七首

三邊兵隙果誰開
盡道秋高戰馬來
宗祀告成無一事
小臣欣覩帶花回

黃門馳馬去如雲
末後榭房駕玉輪
驚起秋風無處避
變成三月萬花春

月中鼓吹日中歸
重領中宮拜壽闈
指點都人

最歡喜
今郊恩赦每郊禘

祥烟漠：上龍旗
將相侯王護六飛
一望御街紅數里
幾人簇擁赭黃衣

燕罷芳園敕御龍
須臾仙仗簇還宮
千官過盡塵如霧
薄莫香鈿滿路中

花枝人面兩欣然
和氣晴光四接連
親向官街聽輿誦
太平天子萬斯年

朝家積累有深仁
天聽由來不遠人
且願君王省征伐
明郊重見四夷賓

端午日宮宴二首

仙裝宮樣一羣：花外花閒藹若雲，羞認葵榴
無舉止，盡傾頰色向南薰。

香萱夾和空，男草高下山。梳安石榴一樣薰風，
分五色蜀葵林畔，按涼州。

禱興四首

滿地秋聲鼓吹同，草根無賴是寒蛩。情知萬事
終搖落，忍見霜林一葉紅。
秋衾薄，換吳綾。燈灺無多一半青，却憶舊時

荆楚岸，夜深風雨泊船聽。

蘭佩其如楚客悲年：誰作感秋詞，不應白骨
蒼苔後，更愛西風落葉時。

琵琶亭下維舟處，水落江空夜雪殘。記得長官
邀我醉，縣衙當面玉為山。

次韻穎叟弟耕堂禱興六首

莫求名字滿鄉閭，且讀平生萬卷書。青箬笠邊
無不可，黃金帶後欲何如。

繚繞州城帶雨長，雨餘雲氣亦飛揚。小樓別有

幽欣處時復風吹荷葉香

吳蜀歸來興寄遐天將清氣與貧家雙蝶舞
空男草介蜂銜附子花

莫怪龐公不入城都緣無事可辜縈客來過酒
飲何害客去投牀夢亦清

已芸何似與人芸水旱螟蝗不忍聞必欲糠粃
飽雞鶩明年余作勸農文

珍重新來十絕詩末章砥柱不能移因君唐代
諸公子故少撞鐘得意時

原詩云背鄉不過五
十日世事如雲逐段

移客裏念家念客歸來一
似未行時此末章全類唐人

次韵趙去華提幹夏日襟興七首

老子軒冕摠相忘歸辦夫容製作裳多少隱淪
天下士無人知我亦何傷

客醉如何我獨醒山空時落澗泉聲年來不踏
長安市贏得詩書一味清

幸是安心無可病不曾為米底須歸養成乳鹿
充神駕散拾殘雲補道衣

植立不徒當日計顛冥忍受一饑驅吟成拙賦

何曾拙喚作愚溪豈是愚
忽然鏡裏一絲：老却英雄不自知
夜半閒來看青史百年有盡此身危
山外情知更有山幾多突兀共巔峴
一從夢到天壇後轉覺丘陵不足看
貧甚誰傳辟穀方閉門飲水自徜徉
無求無欲無魔惱月白空庭一炷香

苔溪禱興四首

斜風細雨轉船頭夜半波平帶月流
行到下菴

城畔望水晶空闌是湖州

美人樓上曉梳頭人映清波：映樓來往舟行
看不足此中風景勝揚州

只道還家猶未還故山書冊蠹魚殘
半生不療飢寒苦空有詩名滿世間

筆判虛空也大奇古今天下幾多詩
虛空判了元無盡信手拈來自不知

過金陵四首

豆田無數老鷄飛素熟菘香稻子垂
未說前年

那有此今年還似去年時

檉樹前頭柿葉紅又騎瘦馬立西風江山未必
儂能認却被江山認得儂

飛鴻渺：襯蕙葭蓼岸紅饒小穗花此是秋光
策佳處江湖何處不思家

高資店裏主人婆萬福官人問訊和安穩在家
能幾日別時不似見時多

金陵襟興二百首

玉麟堂下柳絲：過了春風一半時行到水鄉

應底事黃鸞飛上杏花枝

朱雀街頭觀闌紅角門東畔好春風人家一樣
垂楊柳種入宮牆自不同

浪說思家不我聽蕭齋閒對竹青：若為解釋
妻兒念讀盡樂城道德經

桑林伐盡素林空賣得柴錢飯不充明日死生
猶未必將何纏裹過秋冬

江南隄柳拂人頭三月吹花特地愁却憶舊時
狂李白題詩曾偏酒家樓

稍經運瀆過潮溝野草開花觸處愁二十四航
春水滿有誰來上此扁舟

有時幽鳥百般啼無數塔頭萱草第一怕聽
泥滑：再三莫放雨淒：

萋萋登牒朝飯美河鮒入市晚羹香應無白傅
詩春草却有東坡賦海棠

碧烟騰上青松樹下有仙人此煉丹：成不願
午：歲乞與生前一味閒

歸心突兀不可制一夜夢中行越山驚覺恍然

猶是客欲隨春色共東還

小：遊車四面紅美人花貌映玲瓏隨車更有
郎行馬散入鍾山十里松

萬鑰深：侍駕臨府箴戈甲庫黃金規恢畫餅
翻增幣孤負先皇一片心

永巷斜廊閉戟闈怕黃窳莫護龍墀深宮不與
閒人到只許珍禽自在飛

南位之南下曲街畫羅窻戶隔紅梅方：大石
平如掌曾是官家拜斗來

小：規模似禁中，分明夏禹欲卑宮。白頭官吏
知年幾，猶指屏風說孝宗。龍屏乃淳熙中
降下，示必行幸。

三山摻別是前年，除夜還家翁已仙。少小知憐
今老矣，每因得白輒潸然。

五陵歌舞換埃塵，地下黃金出尚新。碑字已漫
青草死，酸風吹殺石麒麟。

江風吹面雪漫漫，二月東風特地寒。四十病身
誰役汝，小車搖兀過長干。

去年夜半草軍書，今歲平安一事無。且願吾皇

千萬壽，早教車馬會東都。

兵戈喋血只空回，天意人情未可猜。堪笑當時
誰督府，卷旗夜半渡長淮。

青溪閣上看青春，一度春風一度新。堪笑南朝
江令老，北朝依舊作詞臣。

鐵錢轉手變銅錢，父老相傳喜欲顛。未必潁川
能若此，畫圖隨處有香烟。

客懷元不閒，春秋柳綠花紅見。亦愁第一不如
歸去好，東臯猶幸有鉏耰。

清唱聞之妓女家依稀猶似後庭花重樓複閣
參天起不見佳人張麗華

薜蘿澗邊春草青桃葉渡頭江水深女郎到此
歌一曲不盡今來古往情

伯玉文章一世雄買碑人去更無蹤欲尋水館
風亭處只在南門折柳東

楚囚對泣欲何如江左圖王計策踈風景不殊
人自老令人更憶管夷吾

去年十二里新亭駐復當年事未成爽氣不隨
秋露盡猶聞神鬼夜論兵

春風動地卷紅旌人在清溪閣上行歌舞洗空
亡國恨風流太守亦多情

二月風和日暖時淡黃楊柳一絲：向人無限
隋唐意猶是橋南楊柳枝

客裏逢春得幾回山桃還似舊年開元都道士
何曾識真个劉郎去復來

子高去後我方來兩地參差笑口開賴有尊前
似人喜為渠想像飲三盃

白石鄙姜病更貧幾年白下往來頻
歌詞剪就 能哀怨未必劉郎是後身

內官折送御園梅 歷刺如薪苦不才
安得昌原 帶苔樹 踈花分得幾枝來

城頭士女出笆籬 喜色爭瞻天使旂
畫道去年 那有此今年粥飯不曾飢

石頭城上更高層 與客攜壺試一登
屈曲江流 學秦篆 春風應是李陽冰

龍虎江山未改形 飛臨高一目但青
春風豈是

無才思不洗從來戰伐腥

四望亭中四望花 青春柳屬外人家
中間更著 垂柳自倚東風待翠華

白鷺洲前白鷺飛 人間還閱幾斜暉
春風不與 蘇郎便浩蕩滄溟一舸歸

雲氣依稀有若無 定山：下片帆孤青
蕪不盡 天連水野雀飛來成畫圖

龍光寺裏只孤僧 元武湖如掌樣平
更上雞籠 山上望一間茅屋晉諸陵

春韭夏菘誰復種綠葵紅蓼尚堪羹山存虎踞
龍盤勢谷隱猿驚宦怨名

前日東園一看梅昨朝重看杏花開從今儘有
花時節判得從公日：來

白沙翠竹長干寺綠水朱樓白下城燕子飛來
春又晚去年曾此看清明

綠陰黃鳥半山園謝字王名宛若存試問時人
兩安石却推翁仲不能言

等君日：在高臺吹盡楊花君不來歸興自濃

身尚客江南老却賀方回

泔水冷：韻玉琴櫻桃花下宿珍禽龍車自向
思陵掩三十六宮春色深

日：花光亂酒光青帘綠樹映紅妝今年幸得
元戎伴三到鍾山共草堂

小繖障羞去復回蔣山寺裏看花開摩挲拄杖
君隨我遮莫松間喝道來

花底翻：燕子風杏園何止萬株紅亭軒色裏
渾如錦見說風流似禁中

車如流水馬如龍
留守遊山似謝公
夾道歌謠爭指點
兩行紅旆轉青松

城脚翻水一陂
水邊楊柳映旌旗
青郊綠野無窮意
寒食清明三月時

鼓聲打得海棠開
更向花前舞一回
傳語流鶯莫相怪
青春去後不重來

謝公遺種尚陂陀
絲竹中年好若何
亦到舊時携妓處
野人行篋婦行歌

白日橋邊白字碑
康王神道定為誰
路傍借問

無人識自澹村醪
醉蘇龜

青骨標靈介許竒
翩白馬去何之
廟門貼在

烟雲上此日江東
第一祠

蔣子文
莊武帝

白日相思可奈何
青春三月已無多
桃花風急鯉魚老
獨上臺城聽踏歌

香羅初換袂衣新
除却垂楊不是春
昨日街頭騎馬過
眼明猶見賣花人

燕子蜂兒各自忙
玉魂誰返杜秋娘
人間抵死無殊麗
免喚分司御史狂

晚曉飛來載好音
分明殘夏勝春深
小窓誰作幽人伴
惟是爐香共綠陰

羊車洗馬好談玄
玉立風姿一少年
不枉當時人看殺
如今何處覓幽阡

衛玠

桂棹青溪夜泊船
胡床歇馬坐江邊
一聲笛罷不知處
兩不交談意已傳

王徽之桓伊

五馬浮江一馬龍
何兵滿建昌宮
瓜分鼎峙從來事
猶說金陵王氣濃

不見烏紗紫綺裘
至今英氣滿滄洲
秦淮半夜

棹歌發明月清天
江水流

休論句曲更茅山
只到栖霞說半年
暫學僧閒猶未得
幾時真个作神仙

三月春歸未是歸
綠陰端的勝花時
絕憐首夏清和句
一字其間幾个知

青漆樓高制作奇
當時純不用琉璃
東昏幸自嗤梁武
不道東昏更可嗤

臨春何在只桑麻
法寶叢篁間杏花
舊日此間同泰寺
曾將龍袞換袈裟

陶山松柏已成陰地闊天高不可尋二十年中
男又女人間獨自有傷心

尋詩還步小虹橋薄日輕陰叫百勞蘆葉深青
荷葉紫江湖從此興涵

幽草沿階翠織成初荷經雨碎珠生藕絲道服
松花扇獨自花間趁鹿行

南軒門第老袁三將業江湖久徧參聞說中原
太平事數行清淚濕征衫

元帥中軍展將旗軍中新刺好男兒風雲陣法

秋毫識前日兵興使不知

縛屋牽牛旋歸淮邊綠野盡耕犁弓刀武備
何曾識只是當初田舍兒

州衙三面接秦淮臨水朱門一半開却是浙中
無此景江鷗飛舞入城來

潮水縈洄御水道垂楊照點綠茸天生此地
非疏鑿未必錢唐似此中

一萬強人犯海陵可憐談笑陷官兵張韓劉岳
今何在塞上將軍漫有名

多少橫尸邊似樓官人早晚解紅頭淮南已是
無聊甚行到江頭剗地愁

到郡今朝半月日離家兩個許多時知他阿柏
無他否憶我何因我得知

城西二里楚金陵吳帝名為石首城如今土隴

無青草茂殺當時所必爭

吳時志土隴晉室中
典常為險要必爭之

地

觀殿今年七十八往時同飯此齋前梁金華石

依然在屈指重來十五年

致一
也

七寶裝成射雉場人間還閱幾齋梁潘妃自踏
金蓮去不見年：春草長

賞心亭前白鷺洲淮南東畔水東流只知覽古
生許恨不知身世自悠：

青春有酒勸不飲無乃孤負金陵花主人聽客

莫怪客五更酒醒要思家

江鷗野鴨自保社黑：白：鬥分明東邊唳：

西邊舞安得吾身似汝輕

淮南劇賊遽如許昨日傳聞盡殺之罪人斯得

弗湯喜豈有父母殘其兒

十分生聚九流亡鬼面鴉形仰太倉指望淮南
大麥熟夫妻子女得歸鄉

暄風吹齋響蒼玉竹石相看便有情提胡盧來
沽美酒終日撩人不住聲

四十之年又過一春光回施少年人如絲楊柳
看如絮畫錦堂中又一春

東門草色綠葱蔥游女行尋郎馬蹤雞魚不到
吳大帝籤卜爭求梁寶公

幕府攢眉為主憂公堂三五運兵籌歸之不得
吾何用獨自方橋看水流

雨花臺下百花香駐馬坡前百草長若還穀熟
人民樂依舊風流好建康

朱園應是好花開竅憶西莊送別盃火急封書
寄子大少笛春色待歸來

出門一步便相疎千里何緣管得渠笑貌聲音
等如夢十年參學在長途

袿褐鍾山不跨驢杖藜橫笛野僧俱雖無字說

煩清老猶恐龍眠畫作圖

看殺先來所寄書不知病體比何如想應葯累
關心外便與兒曹作念渠

夢得當時五絕詩一回吟起一回悲試偷格律
無人識只恐王家燕子知

曲：青溪貫大江鴛鴦鸚鵡一雙：元戎開燕
時來此城郭山林意兩忘

烏衣卷側長干寺暇日間來看一回未覺六朝
興廢迹淒涼先傍眼邊來

桑間少婦誰能管松下孤僧却可憐魚躍鳶飛
均適尔流行坎止不徒然

鍾山窈窕轉龍身小屋低松次第新試覓空林
依舊在只無當日讀書人

小蓋高肩翼蔽無鍾山寺裏換籃輿相逢舉止
無羞澀一段風流似上都

魏紫姚黃掃地空斬新相尚慶元紅道人眼界
無分別只賞東來一味風

二十四番風信催郭南聞道有花開園官欲鬥

金錢賞名字先供百品來

窗閒日：叫提壺有酒分明不用沽自是老來

游興懶日長添得睡工夫

集白

細葉如雲綠漸專玉人晨起換金壺就中一朵

紫中貴除却揚州天下無

四畦芍藥間蔥花三月春風便有涯閭巷蕭條

生意少隔牆誰信內官家

花紫裝來日：新金陵猶有許多春若為造物

回芳意畫結嘉禾活餓人

始見拖金復散絲風吹雨打一枝：靈和殿前

好楊柳爭如張緒少年時

琪樹三朝種已成綠陰回合嚙宮鶯傷心輦路

生春草不見素娥花底行

頭上瓶中一萬枝花枝人面兩相空滿堂將帥

文兼武都載周家既醉詩

江流帶雪少波瀾見說潮頭也怕寒未枉推敲

瘦詩骨且令澄澈瑩中肝

笑談容易發倉囷全活生靈百萬人十五年來

山裏坐不妨來此越精神

老大驅馳亦已勞
移文寧受客嗤嘲
人間多少閒田地
無處令渠著把茅

晉宋齊梁幾帝陵
土堆誰解有英靈
三臺五省絲、改
惟有鍾山只麼青

高世何須更欲名
古人于此暢幽情
後來同味無王謝
自折幽蘭上冶城

安石風流苦未遙
重來遺跡尚山楸
一丘元自無花草
底事令人覺意消

車聲轍、馬蕭、山色何知換
六朝要識相傳風俗在
居人道得語音嬌

鳳皇臺上鳳皇遊
山自青、水自流
千載謔仙元不死
相逢一笑不能休

憶殺當年劉改之
風流曾賦秣陵詩
如今白骨埋青草
百詠何由尔得知

平生英俊邢芻父
酷愛閩中一卷詩
落筆文章有如此
因何不到和陵嬉

葛巾裹却葛天民
有女閨中號燕春
只在西湖

不行脚金陵風月欠斯人

朱髯五十上南宮下筆猶能太古風養就胸中
治安策老天那得滯渠儂

中年多病才都減無奈金陵景物何安得山楹
周四者冑來相伴此吟哦

毫端真敵萬人軍蔬筍能空粉黛羣機幕畫閣
仍弔古不勝東閣好郎君

半山松菊畧能存猶有荆公舊墨痕佳處不能
誰屬我只應牛首正當門

川原膺：樹斑：十里春風一望間野馬不羈
天地闊孤鴻無奈水雲閒

紅袖紛：點翠屏元戎小隊出郊坰憑誰為集
康衢詠翻作金陵賀太平

闌干三面倚晴暉竹外長江一綫微太守不來
僧自看清涼境界籜龍圍

旋結穹廬作露亭疎枝闌入更輕盈今年客思
撩人甚欲共梅花笑不成

池亭楚：更堂：占得寬閒地一方花竹四時

隨處有縱無人賞亦何妨行宮養種園

杏堂繚繞過梅堂小竹高松映苑牆白雪飛殘

紅霧密乘輿不到却淒涼

掃地須臾架屋成風流尤勝拂廬亭吹來一片

盃中雪看著花枝醉復醒

亭上施屏或可無江山形勝恐難模何當窮臘

親來此身作袁安卧雪圖真宗賜丁晉公此圖專創賞心亭以施屏

後為好事者取之去

冶城迤邐過清涼城脚連雲一帶長佛寺仙宮

更遊苑杖藜知費幾詩章

溪上鴛鴦避画船中妓女列嬋娟使君愛日

笛連客同醉江家舊宅邊

曲青溪有幾灣酒船笳鼓去仍還閒情自合

頻來此只在州衙只尺間

鍾山閣上看朝曦玉作遙山碧四圍雲氣茫

疑是水人間無此米元暉

山南山北冢纍纍僧寺多承舊宅基興廢相仍

真若此死生常事不須悲

孫陵密上叢生草太傅墳前沒字碑人世百年
元有限何須功業更巍謝太傅墳前古來只
立一白碑以其功業
之大不
容書也

十里城壕儘是花覆舟山下幾人家日長知道
遊車倦自汲新泉喚飲茶

匹馬東來說晉元當時一統筴三分如今寄食
城隍廟異代君臣莫更論

周顛宅作阿蘭若婁約身歸窳堵波今日丹青
拜荆國草堂香火已無多

鳳皇臺上鳳皇遊鳳去臺空水自流惆悵何因
見李白采江試覓月明舟

青山渺：水道：王氣千年久未消獨客重來
覩風景江頭猶有女吹簫

甫見梅花方結子即看燕子已生兒青春遊蕩
不知返笛住金陵又幾時

方橋一泓水縈紆客散亭空清夜徂二十五聲
春點靜月明池上柳疎：

飛梁誰字小垂虹波面蜿蜒去不窮一段風烟

無處覓鴛鴦鷓鴣在其中

南臺北榭隔非烟綠水朱橋思渺然月下閒來
看箕斗筭人指點似神仙

柳思花情分外嬌青樓消息夜迢迢金陵看得
新歌舞不數吳音共楚腰

竹樹池臺三畝餘白雲千載護幽居悲涼物色
須彈豎粉白脂紅却要渠

東冶亭東轉半山栽松菴外萬琅玕重來鍾阜
同僧話回顧城中幾客閒

艷杏夭桃日夜忙雨餘啼損不成妝元和氣
春風似又引笙歌看海棠

馬軍驍騎試樓船見說傾城出道邊元帥笛臺
都賞賜一時百萬喝金錢

見日友
千緡

紙錢吹挂樹枝風積李崇桃白閒紅但見牛羊
上丘壠忽看禾黍出蒿蓬

白下城東送客時向來何事不同歸君歸說似
西園柳遮莫輕綿一片飛

北門繚繞出東門一處亭臺酒一巡景物欣

樂知己柳容花貌越精神

清明過了日晴佳九十韶光便有涯恨殺東風
太豪橫夜來吹盡海棠花

一派嬌波入翠溟垂楊只似古來青未能叫
歸家去怕上勞：送別亭

城上黃花散漫生溪頭綠樹忽陰成濃春自欲
烘人醉却憶秋風一味清

輕風濕：樹斑：燕乳鳩鳴春又殘門巷狹斜
無不到有何人似柳花閒

張碩風流隱釣緡漁郎回首湯紛：杜蘭香去
知何在惆悵西江一浦雲

扁舟乞得自由身爛熳金陵作好春桃葉桃根
雙姊妹清風明月我三人

九十春光即漸休莫將雙眼上層樓江南歸計
無由遂一點楊花萬斛愁

月樓誰伴詠黃昏剪：輕風陣：寒獨據槁梧
成不寢杏花生煎小闌干集白

不及盧家有莫愁君恩如水向東流從今相送

疑是兩首脫寫四句

東流後地下傷春亦白頭

集白

上畫層城更上樓
綠楊枝外畫汀洲
蝶銜花蕊蜂銜粉
同向東風各自愁

集白

青帝言歸速
駕忙荼蘼架底靜
年芳輕風乍染陰
綠微月低籠淡
香

壁架荼蘼百萬枝
月邊花下更連漪
三更比屋皆高枕
如此清涼棄不知
似玉如酥最有情
一香熏徹萬愁醒
多應無奈花相惱
故透荼蘼架底行

紅芳蛻芳花似霧
綠陰徑芳葉生烟
獨往來芳差自得
心境會芳不可言

憶殺仙人白仲都
江邊遺迹尚樓居
驂鸞翳鳳如容我
拜作先師定有無
紫髯何事忽遷都
有意宮中號太初
他日三軍嫌飲水
只應翻憶武昌魚

立夏連朝剗地寒
看承勺葯倩園官
秋千拆罷無聊賴
軒檻周遭綠一般

金城楊柳綠
珍：搖落殊非昔
漢南一語莫因

人遂廢樹猶如此我何堪

桃花園作芳林苑濛汜池通袞堂前以驕奢
為晉宋後無規鑒亦齊梁

小紅橋上看朝曦雪裏鍾山一帶微憶在山中
望宮闕淡烟朱碧轉依稀

聽箏堂上一款戲翻手君恩似昔殊按罷金滕
應莫怪近來閒拚使君鬢

一曲清溪一首詩風流千載憶僧他小姑溪上
平安否容我騎魚作伴嬉

方山四面不曾圓中有仙人號葛元見說丹成
渾不食五雲破洞白昇天

不論城外與城中時節歡然一笑同棠棣花殘
紫荊老可無書札問孤鴻

青山綠水思悠々見說蛾眉萬古愁斗酒百篇
能澆浪白乎吾與汝同遊

蓮花博士去騎鯨鏡曲回瞻一愴情少待詩成
附河伯願加蓬乙始流行

高資冢上五樓穹先祖曾經相哲宗亂後傷心

餘石馬小孫來補萬株松

小功德水餘一勺當下令君熱惱消
城裡紅塵莫回首小屏風嶺好逍遙

安榴朵：簇中紅數曲闌干掩映中
尋得冰紈題小草淺新還愛綠荷風

前日葵苗市地青幾何時節與人平
傍觀指點荼蘼架折蕊攀條似隔生

宛轉歌喉一串珠玉人花貌更清姝
明年東武南城唱試覓源流定憶渠

十八年前蜀道還維舟曾記此龍灣
江流萬里元依舊葑市蠶業興未闌

旗幟精明鼓角雄江南草木盡聞風
面門神王鬢如戟鼠子無輕怒我公

放散邊頭武定軍賣刀買犢做農人
向來憂國多浮議誰省官家億萬緡

歲省六七百萬緡

表裏江淮四十州稍回饑盜事田疇
得公數十分天下庶矣斯民疾痛瘳

三月更當臨畫頭昇元閣畔一閒遊
偶因花會

逢花面半日僧房得少留瓦棺寺歲建萬
花會遊人無數

揚州風物轉頭非又是葵榴得意時班扇入懷

君莫恃秋來那免棄捐悲

廿載金陵九還往何如三宿在桑園還家更有

江南興只取囊詩子細看

兵機將畧摠如神儒術仍參席上珍補得國風

成百詠不妨幕府有詩人

閱武堂前楊柳枝如今事隔幾多時至尊屠肉

潘妃酒問著垂楊摠不知

紫雲回薄隱新愁早起鐘聲是也不徧地蔥花

兩三畝至今人道黃陽樓

一門子孝更臣忠廟食分明百世功任是清虛

比晋室只留卞壺在江東

附薛師董題金陵禰興詩後八首

舒王不讓杜樊川二十八字今斲弦可怪蘇

郎呈好手剪花排錦蔣山前

劉郎之後更蘇郎不枉隨人又建康秦水鍾

山幾相識前年忽識好文章

方泉周四半生癡語輒驚人不自竒渠白却
題君集後要尋梨木共傳之

交朋存沒八篇詩自恨論心獨覺遲也記湧
金門外別不蒙登賞忽相思

掃階楊柳敗荷風春晚秋初下觀中兩度不
能吟一句愧君且說事忽

定林州木也風騷曾睡山中聽桔槔春雨江
湖八年事空腸只憶喫絲糕

尊嘉堂上崔嵬老制閩新開欲辟吾又約來

遊：不得風流輸與五雲蘇

散盡浮軍換鐵絳香烟何處不氤氳蘇郎非
是諛人者今日真成說古人

李璉題金陵禱興詩後十八首

梁家天子抱琵琶淚洒華林御苑花今日聞
韶無處所雁烟蛩雨屬他家

灩：江波綠更肥蒼烟中有狎鷗飛當年神
武今何在老却遺民更不歸

陰山側畔月如霜不為吟猿斲殺腸折得

花無處賞帶枝分與擢船郎

花開似污天衣血雨過重聞御案香
最恨寺奴隳太極領先奪我畫梅梁

長干小嬾學吹簫樓外閒風弄翠條
近尋廣陵消息未莫潮已過去欄檣

莫雨瀟瀟郎不歸尊前誰憶舊
歌詞望夫烏臼濃子染葉驚秋恨欲飛

愁看幕府夕陽邊那更雞籠在目前
跋扈飛揚只如此登高安得不酸然

細竹千竿殿影斜龍顏曾此著袈裟
寺樓杳杳鐘聲過想有宮娥出挽花

池邊石是南朝石綠染苔花亦可憐
今日波平人事變白魚猶自躍天泉

離：禾黍已難言空覓楓林與菜園
瓦屋半間非辱井經幢兩個即昇元

江水無情碧草春北朝笛住老詞臣
子規啼上青楓樹為念離鄉去國人

相君息女小乘僧身向西天佛律行
三尺戒

壇秋色驚个中蟻蟻亦長生

夜過江左從鸞旂從此靈君著漢衣春到陰
山花似雪望鄉臺上鷓鴣飛

南門點檢舊行蹤策苦人：認得儂羞認面
皮無處著橫拖山屐過青松

司馬家兒持酒盃天呈下吸亦佳哉恨渠不
便做牛飲那得益津師旅來

孫帝陵傍水窟悲蔣侯廟下月來遲夜深客
子心驚恐援挂南朝楓樹枝

雲杪熒：一塔燈覺皇舍利寶烟凝山門推

上三更月似照前朝禮拜僧

南軒隱約夜聲微獨詠齊梁綺靡詩鬼火對

山青缺短依稀憶得獨眠時

弟濱題金陵襟興詩後一首

六朝笛寄多：恨一士來歌百：詩驅使春
風游筆下个中情景个中知

冷然齋詩集卷六完

冷然齋集卷六

泠然齋詩集卷七

報寧寺

相業平時既講明得君當國有難能周公禮樂
寥：意餘子隨時未可憎
為愛先生所賦詩半生參學老猶迷如今數卷
鍾山草步：相隨處：攜

玉斗

玉斗撞來事已殊豈知天命有乘除秦人自愛

三章法枉却先生膽氣羸

劉郎詩

白髮劉郎意自悲
山桃還是欲花時
一生漂轉成何事
留得元都數首詩

提舉劉學士以某論守江之策未行作詩見遺謹次

禍胎當日起燕然
始信興亡不屬天
謀國自知無秘計
何時歸把牧羊鞭

自是羣公氣未平
黠羌何慮不休兵
欲成江左

收賢俊歎息無人致二生

頌榮
賀循

龍瑞宮

花竹清虛赤木蒼
行穿溪水過山房
黃冠相對如泥醉
此是人間不老方
嶂密峯圓不似山
桃花流水做春閒
神仙只在人間世
妄意虛無縹緲間
未必時人識
面頻偶然蹤跡似
逃秦重來洞府
青春晚一樹桃花
犬吠人

石鏡

鑿石何年種月輪清光終夜照香魂淒涼不比
班姬扇猶是君王送死恩

忠州鄂都觀乃平都洞天也

宮殿隋梁所造成殿門仍有晉丹青白頭道士
無人見客至惟呼麻出迎

十二峯

畫圖曾識巫山面今日親臨十二峯萬里平生
無此夢却疑身在畫圖中

艷瀨堆

艷瀨堆頭一葉舟半年人共水東流平生快意
纔如此不數東南數十州

八陣圖

儼然雲轉與風回故國人看但石堆猶有鬼神
供職守不移行列待將來

巫山峽

山木無端又一秋夕陽和影上扁舟舊時十二
峯前路惟是猿聲共客愁

大仙廟

為雲為雨話頭長十二峯前事渺茫盡道翠眉
愁未展不應猶憶楚襄王
風木哀鳴想佩環飛鸞何在古祠間無端牢落
悲秋客別把人間比夢間

琴臺

朱弦牢落更誰聞青草臺高雀喚雲尚有茂陵
多病後眼前相對卓文君

孔明廟

未了功名便闔棺荒祠零落漢衣冠知心惟有

庭前柏能與先生共歲寒

濯錦江

機絲波蕙借光華巴女臨流住幾家爭向芳菲
偷錦樣織成平白濺江花

浣花溪

抱郭清溪一帶流浣花溪水、西頭重來杜老
誰相識沙上鳧雛水上鷗

武昌

南樓絲管日紛紛一帶春江浸碧雲遺老相逢

問年幾白頭閒話岳將軍

行宮

先帝乘龍馱九州行宮花柳不勝愁傷心更有
秦淮水故繞宮牆日夜流

春歸

十日清明九日非人家庭院綠成幃春風怕見
匆忙去莫放楊花一點飛

歸自成都城

竹樹齊平綠似城朱櫻初熟架繁星今年趁得

春歸伴買飯蕭然舊驛亭

夏行郊外

吹紅換得綠團枝胡蝶飛來又却起藤架野花
無著莫是人行處有香隨

有感

滯不求通任布衣山陰道上玩春暉每逢到處
花開謝轉覺人生萬事非

小憩西興

吳越相望一葦通仙凡不隔半帆風元暉有句

無人識盡在西興落照中

之上虞道中作

東關白塔何由見異日曾驚埃子頻千頃波濤
風雨裏夜深孤載一愁人

上餘姚

憶侍大人江北去却從伯父野堂回爭知二老
轉凋謝歲晚扁舟一個來

過餘姚

柔櫓輕飛過別灘老夫吹帽受風寒江流屈曲

如蛇轉贏得青林四面看

復過二首

遠水連山碧四圍烟波時有鷺鷥飛餘姚江上
中秋月自買扁舟一個歸
西風爽、細吟商客枕淒然一夜涼吹盡蘋花
渾可事少笛荷葉蓋鴛鴦

曹娥

遊子心情歲暮時畫船來往幾歡悲夫人祠下
寒潮水自展醪牲讀蔡碑

與會亭仲曹六二兄買小舟遊西湖

貧忙安得似偷閒日：紅塵倦往還買得小舟
真似葉敗荷葉底看孤山

西湖早秋

明知有熟不多時可喜秋風又可悲四十九年
蘧伯玉西湖一陣桂風吹

重到湖上

湖上秋風即便濃傾都人出賞芙蓉我來自愛
青：草白鷺飛回興畧同

注回臨安口號八首

高麗寺裏訪詩僧懶上湖船獨自行：到寺前
人迹少不知傍有白雲迎又尋

老鋤相見一掀然說侶艱虞是去年從此新詩
更起詣時人欲殺豈無天翁朴

道傍舉首揖髯陳領得秋塘白法新歸飯客樓
隨取別隔橋相見兩詩人文敬

江湖漂蕩舊劉郎不飯經旬病在床起見舊交
仍慷慨絕憐髯底有新霜之改

戒子橋南白塔西青桐新長蓋樓枝輕風忽向
樓前過不似長安店裏時

清曉無車一僕隨南山行過北山來日長搭得
回船去薄莫湧金門尚開

天竺前頭靈隱東山川竒崛自天工舊時可是
不曾看今度重來看不同

吟詩一日便東歸吟到樓前日色西今度重來
有吟興湖邊寺興笛題

歸自臨安

一錯君王鑄已成忽然淮上羽書驚歸來依舊
當時我添得鬢鬢白數莖

錢唐渡

百年鬢髮春風晚十二闌干落照微多事錢唐
江上水送人離別送人歸

鏡湖懷古

鏡湖：水滑如油狂客歸來上釣舟惆悵無由
見李白西風吹老芟荷洲

題千秋觀

不見風流賀季真酒船回棹莫逡巡如今湖上
千秋觀逢著黃冠亦可人

九日寶琳塔中作

甕頭無酒菊花青千丈蒼崖孰與登從此重陽
課茶事不携兒女只攜僧

九日

茅簷小屋對青山只有困明一味閒手把黃花
翫尊酒宛然風味義熙閒

重陽二首

為客時多不解愁亦逢佳節強登樓酒闌自掃
茱萸望向處青山是越州

九日登臨兩鬢華鷗邊秋色帶風沙絕憐當日
陶彭澤依舊無錢對菊花

題極鑿亭

每向湖中望高處却來高處望湖中雲興霞蔚
九天上水繞山圍一萬重

題三高亭

千頃飛花特地寒又隨漁艇出蒼灣三高問訊

來何巧趁得冰湖看雪山

小亭

小亭西角杏花明
寐莫聞鶯但一聲
九十日春今五十
自扳紅蕊繞階行

題興旅亭

舟行竟日雨冥冥
晚飯淒涼送客亭
雲幕亂山看不見
隔江惟有一堆青

舟中二首

夜色隨人上小舟
中歌枕夢悠
橈歌聽得

偏幽怨不覺天明到越州

小睡醒來欲二更
村深那聽鼓鐘聲
舟中反覆無窮事
只道寒天不會明

金陵池上

府囿秋後一池荷
綠蓋縱橫百柄多
折盡再生錢樣葉
却疑天氣復清和

西百官宅池上

一朵茶蘼覆水開
游魚架底自徘徊
如何知道人來看
故觸浪花去不回

建鄴即事

淒涼風雨病情懷
準擬東歸事不諧
買得扁舟如箬葉
又隨明月過秦淮

湖樓

奔走何時得小閒
幾年心事入蒼灣
小樓正在湖深處
輸與吾徒日夜看

江次

舟閣山橫水見沙
黃塵為客鬢初華
江春窈窕歸無計
一樹臨風落杏花

夜汎

澄波湛湛接新秋
月子波心印一鉤
荷葉亂花看不見
夜深時有小龍遊

周家步

兒時上下老翁家
嘗記維舟岸有沙
今日沙移吾亦壯
此翁居處只桑麻

姑蘇臺

草滿汙萊雪滿峯
吳王臺殿落青紅
姑蘇城外連宵泊
愁聽寒山夜半鐘

虎丘劍池

劍石光寒響輻輳
軒窗高下盡平蕪
山中幸自清如水
好換緇衣著士夫

葛仙釣石

天上丹成雀上飛
溪邊留得釣魚磯
千年二謝風流盡
誰復行吟送落暉

南塔

松樹何知過百年
樹根流水亦清漣
莫言寂寞無人到
多有人來正不然

月林即事

竹穿遙徑雨穿廊
繚繞東西百步長
是處有槁通水入
四時無日不花香

足趙丈句

跨湖樓好客閒行
身遠紅塵步亦輕
月在波心流不去
薰葭薰裏一舟橫
水光山色鬥分明
何許清冷畫不成
月在波心流不去
薰葭薰裏一舟橫

出建康府治

半月書齋淹病身又隨流水下西津
重來此地無相識只有鍾山是故人

所思

香爐峯頂行人絕曾借匡廬帶雪看
今日東州逢六月恍然回首一清寒

登樓

越客西來隱姓名扁舟浩蕩逐江行
岳陽樓上三更後自倚闌干看月明

登樓

秋林薄：半栖雅城脚荷花一帶斜
碧色莫雲三萬里不知魚網是誰家

賴婆橋

賴婆橋下剡：水鏡見居人說廢興
自笑年來車馬迹得如橋畔白頭僧

又南明示衆

窈：松門竟日閒更無金鎖與元關
時人欲識南明路過得溪來便上山

即事

道宮釋寺多名勝出郭經年得幾回當此秋清
身健日可人還共子高來

次韵芻父上巳日同遊朱園四首

朱園好在竹平安地主相攜到不難記取今年
脩禊日三人于此賞風湍

野水青山非昔祠奠觴那復計醇醑拋梁有詠
誰其續除却靈均世不知

飲散墻間祭肉殘林深終日閉幽蘭重來野客
朱邪戎坐久摩挲馬柱看

柳長沙白草離離萬物東南漸熟齋自折桃花
翫春水人生脩短揔成泥

頃在金陵郡齋與黃觀復夜坐漏箭下一
二十刻率未寢對語既盡明燭漸昏相與
坐睡而後已歸同羈居乃經時不見追憶
當時曾有四句云

映雪工夫久已無引錐自刺一何愚青燈一盞
書狼籍畫作金陵瞌睡圖

更賦一首

紙閣新糊擁亂書青燈依舊照書癯隔城經月
疎相見却憶金陵瞌睡圖

感時

欲尋春物了無憑留得黃鸝一兩聲昨夜荷風
清溽暑岸頭還有小蟲鳴

恨春

芍藥荼蘼一萬枝花開動是隔年期欲留春色
都無計睡過紅雲白雪時

梅雨三首

江南四月苦風波細雨天寒奈若何梅子之黃
如彈子菘窠其白柰花窠
籬根日：繫扁舟衣桁纔乾水又流老子病餘
凡事懶但熏沈炷淪花甌
雙飛蛺蝶情何厚百轉倉庚韻可聽冑為螳螂
看黃鸝忍從燕子乞蜻蜓

雨中水閣閒眺

兩山正作脩眉綠一水猶如匹練橫竟日書窗
覽今古幾年人世少豪英

朝看雨脚似懸繩，莫見寬波沒釣汀。
鴨：歸來人寐：鴉：飛去草青：

謝耕道一犁春雨圖

好事圖形復賦詩，豈知真个把犁鉏。
野人開卷微：笑，策憶輕蓑帶濕歸。

花檻

石榴窗下亂紅堆，借宅今年造此來。
知是主人亦是客，亦逢時節自花開。

釣魚

是非不上釣魚舟，從此閒身得自由。
一色藕花三十里，明年歸住鑑湖頭。

野航

山青水綠思悠悠，幾處灘頭復渡頭。
任是無人競來往，不妨終日自橫舟。

漁父

漁翁年幾雪垂肩，釣罷歸來月一船。
明日酒醒尋伴侶，賣魚依舊禹祠前。

出遊

芳草盈：水漲陂淺篙驚動碧琉璃
心情自逐游絲起愛入春風夏禹祠

泊祠下

潮小掩笛孝子祠雪花須要老夫詩
鐘聲篷底不知處却似姑蘇夜泊時

江頭曲

青山何似越山青年少輕行得老生
欲結茅菴江上任却嫌山水太分明

秋夜二首

一派銀河似練橫淺深波浪浸天青
夜闌忽有風吹動搖漾南箕北斗星
一點流螢自入扉清風都向草頭吹
眠稀又被啼螿妒看見新涼上水時

秋聲

枕邊無寐骨毛輕露欲為霜月正明
一葉梧桐如喚客起來搔首聽秋聲

秋感

油窓漠：雨垂：秋盡江南草木知
促織到頭

無一語不知能有幾多時

七夕

七夕相尋舊宅來
雞頭月下脊令盃
飲殘誰問
天邊事
獨自婆婆弄
魚回

不寐

風露淒清入敝裘
月明偏照五更頭
無衣畢竟
干誰事
徹夜啼螿叫不休

晨起二首

曉雞將夢出華胥
起看新霜積槁梧
遲項日高

霜作水可憐
黃葉半邊無

欹枕邯鄲夢不殘
黃綢被穩日三竿
起來門外
霜如雪
始信人間有夜寒

游天章寺

午後鐘鳴鶴雀飛
山高嵐起濕人衣
回頭但見
青松樹
不信城中有是非

泊頭陀寺

世上身名孰是非
維舟日釣魚磯
江長天闊
不知處
夏口青山人夜歸

松桂堂

伯夷能使鄙夫寬此老傳家不在官
魂夢猶能教兒息九原風節更高寒

遣心四首

秋暘如火灼肌膚世念功名一點無
晚洞龍歸帶飛雨卧看蒼溜落壻除
眼看飛蝗亂似蚊傷禾殺害不堪聞
人間所在如飛雨恐是淮南懶戰軍
西風颯、動蒿萊江上蘆花似雪開
甚喜茅齋

清睡熟却憂邊面有塵來
租田已早仍遭水飽飯明年歲月長
未見桂花先一笑滿山金粟粳為糧

夜句三首

兒女啾嚶斑竹床蛸蟾六月沸如湯
登樓誰問牛郎事只看銀河意已涼
一派天邊淡、橫雖然無浪有風生
人間各自昏沈睡看到三更剗地清
四更過盡五更來看見參旂卷復開
澄澈定非

人世酒就渠斗柄酌三盃

雨夜

下得船來而又風雨聲元要打船篷不關篷底
纖毫事一夜佳眠自落空

飛蓋堂即事

秋清未脫暑衣裳稍上城樓過苑堂北面芙蓉
南面桂水香吹亂月中香

西興渡口雪

岸側枯楊卧玉龍卸殘鱗甲趁天風明年更作

垂：綠會率鶯花入漢宮

秦望山殘雪

山脚爛斑日到遲清連秦樹夜猿悲因思上古
英雄帝不見蒼：白：時

效張文潛雪體二首

布衾如鐵衣生角學道終宵免醉昏兒女呻吟
惟有睡老人獨自起開門

樓高誰上窺高層獨客思家見祇憎半夜樵歸
逢說虎隔溪冒罷釣笛燈

望前山雪寄葉山人

烟雲出沒微，白知道前山雪也來應在山中
望城郭爛銀宮闕是蓬萊

簷雪

簷雪無風久未消貧家昨夜有瓊瑤明朝却與
鄰人笑只作清齋水一瓢

花月二首

月邊那復有炎光望見疎花意已涼吳質不須
仍倚樹老來無奈許多香

金英玉樹罔玲瓏九十秋光聚此中人世等閑
諸熱惱一時消殺付虛空

高光示夫婦觀月詩和韻

德耀梁鴻兩不凡閨中桂影醉同看却憐當夜
邠州月空詠清輝玉屏寒

冷然齋詩集卷七 完

冷然齋集卷七

冷然齋詩集卷八

借屋

借屋移來遂半年
眼看花發便欣然
主人官滿吾當去
却憶看花又可憐

借居

借得街南宅子居
蕭然几案食無魚
山人為辨橫斜供
自洗禪龕淨水盂

感舊

冷然齋集卷八

山陰

蘇洵

召叟

小箱留得舊裳衣，母氏親逢衣此兒。近日著來
渾短窄，猶思泉下許多時。

樂隱

橘隱仙人是乃翁，幾年涵養在其中。高顏不出
渾無事，安得開禧第一功。

窮

已著風飄信馬奔，雪花無數入船門。詩窮到處
無醫治，愁絕湘江浸楚魂。

野興

蠶績桑空又一年，村姑攜手看花園。冬來保得
兒孫暖，自解麻裙當酒尊。

有錢詠

樹頭榆葉水圓荷，黃菊青苔鼓鑄多。莫把詩家
作窮相，四時渾不奈錢何。

野望

盈、一水宛秋蛇，雞犬無聲野客家。雨後綠添
沿徑草，風回紅謝隔牆花。

足虞叟兄向二首

六月還當月盡休今年節令却齋頭蕭：不待
聽梧葉一見銀河認得秋
雲裏仙人不解愁人間肺渴望涼瘳更深倚杖
前除立一見銀河認得秋

次韵知縣兄

露坐仙人餐沆漉水行漁父燭鬢眉民間闔戶
紛：是如此清涼睡不知

奉和知縣兄

蒼烟漠：雨微：一榼山醪手自提看了梅花

来看竹春寒如水不曾知

和潁叟弟春白

獸聽鳩婦屋頭聲十日何曾五日晴一到紅芳
歸去了幾多時便綠成陰

愛九兄舊白

眼看綠尊花下去情知清話竹邊苗禊觴豈是
荒耽具晉士那無經濟謀

續舊白

人：不識白中眼請問吾家若空翁只把荒耽

譏晉士那知經濟在其中

代贈

隔溪楊柳絲，綠比妾心情。少日時待得楊花
逐流水，此時妾意有誰知。

代野父言

頭白垂，過七旬。一生筋力盡田園，如今且聽
兒男去，尚可看鶯抱乳孫。

送裕師骨二首

去年石上君攜我，今日溪邊我送君。世事儘從

朝晚過，人情難必死生分。

輕幡裊，思悠，夢破依然到鼎州。送客各還
家裏去，青山白骨自風流。

一笑

曾服燕支遂得仙，此花風味出于天。杜陵無白
休惆悵，且共東坡一粲然。
畫手何須覓范寬，有人樓上倚闌干。瑞田玉里
三千頃，野鴨飛來不道寒。

寄白石姜堯章

稽山却棹酒船回
冷水灣頭雨意開
一路有詩吟不穩
當時悔不共君來

寄內

瓊頭笛得菊花春
過了重陽即誕辰
想見閨中為壽酒
只同兒女說歸人

寄堯章并簡銛老

山遶樓臺水接天
絮裝同上閨門船
相思一夜梅花落
儻有人來寄短篇

寄堯章

聞侶璠溪隱姓名
阿鬟仍是許飛瓊
涼風昨夜驚秋雁
相見吹簫又月明

寄趙大資

劉向拳、老更忠
外家恩澤盡侯封
分明社稷蒼生計
只在平居猷畝中

次韻九兄秋吟五首

不于烏鵲橋邊見
定向笙簫雀上逢
浙、蕭、到荷葉
今年秋不屬梧桐

醉挽銀河續壽盃
冰娥亦怕老相催
三更自倚

秋香立待得靈鏡送葯來

涼稻翻、卧滿畦壺漿相勞各相携村南有底
連綿雨一夜船高樹葉齊

為愛秋風吹牧廬忽然詩思滿江湖橙香夢澤
團臍蟹尊老吳江巨口鱸

江平無意作波瀾野曠山多入畫闌一段秋吟
到幽眇回頭三伏也風寒

再吟三首

翠被承恩羅扇棄一年一度一相逢功成者去

終當介介付池蓮與井桐

菱角雞頭薦晚盃詩成不受片雲催青裘自約

弥明喜更上西樓看月來

孛牛籬落蛙池雨甑有新炊圃有蔬團聚秋來

少煩惱只羨藜藿莫羨鱸

簡趙世卿

舍弟歸承折簡來知君琴劍返天台人生百歲
都能幾兩度經過見一回

簡劉武子

落拓劉郎醉未醒少年名字以詩行流傳漫有
南朝體蕭寺如今白髮生

憶紫芝

五月二日葬于
西陵寶巖寺山

幾度青衣裹白雲流傳仙向世間聞如今一去
無蹤跡默自看雲不見君
清才漫仕橐常空未後翻身尚客中便死託生
都是妄真起君去作秋風

重憶家姊

紙錢零落樹枝風子女他人去絕蹤此後只應

多病弟長官祠下泊孤篷

嶠浦乃
葬所

憶堯章

數月書齋懶出門眼看世事但紛紛長安豈是
無相識除却西湖但憶君

憶盧子高

與君同氣不同家今度書遲望眼賒遇物却思
君姓似江頭行坐看蘆花

玉麟堂上口占呈趙大資

節旄彈壓萬旌旗中使傳宣表睿知重見相公

官又長宛然謙下蜀中時

呈永老

袖子心情處士衣今年參到地無錐
江鄉一棹閒來往只有明州數首詩

放翁寵賜正月九日詩翰

一篇盈軸乘龍蛇歸自黃州改介嘉
大似新年逢好事春風吹寶入人家

放翁入朝後寄

貞元朝士已無遺白髮當權更有誰
六十還朝

今八十却歸修史幾人知

寄李簡夫宮使五首

歸來手接一封書累幅春冰字、珠
便欲籃輿從此去好風吹過燭溪湖

嘉言深味道之腴啓鑰抽閑許自如
願我但將行脚悟輸君全得病工夫

覓得驪龍頷下珠幾年參補徧江湖
只今同味仍同病惟有親朋李簡夫

扁舟來往雪糝糊一白當頭道得無
不是詩人冷然集卷八

磨不死欲將身湊剡川圖
節第詮：逝水如髯朱寧復與之俱絕憐老子
經行地一笑知心更有無

送趙大資次口占

渡口斜陽欲滿旗錦衣容易逐雲衣聖朝無事
宗臣老白髮滄浪一舸歸

夢中作

青燈一盞照青編月色霜華兩皓然交友歲寒
何所憶水仙王廟竹林邊

夢遊海山二首

海山青碧一千重樓觀飛霞朶：峯薄晚維舟
渾不得飄殘女樂趁天風

紺憶行空半簇花太真扶壘極天斜一聲何處
寧王笛吹入春風百萬家

四月十三日晚夢入試枕上口占二首

百花开盡蝶蜂去繞屋團：杏葉陰除却平生
我與我世上誰人識此心

行年今已是七十况世非皆七十翁柏兒安女

莫遲我、入秦華游衡嵩

夢游

殿前人醉索催茶玉女傳宣賦綵霞誰道塵緣
猶未斷碧桃花下却思家

夢句

元日新春又去年剡溪仍是舊山川白頭野史
無時事獨自尋僧雪滿船

夢盧子高

魂夢依稀欲見君須臾為月又為雲起來接得

如鴉字談笑聲音了不聞

夢堯章桂花下

撲鼻清香兩絕詩分明參到小山辭如今獨自
秋風下不似當初並馬時

夢退堂

碧眼霜鬢事已非夢中相見祇攢眉推敲有法
猶分付一似高麗寺裏時

似夢非夢作

仙女宮釵玉鳳頭太平天子翠雲裘九霄下視

人間世底事相看笑不休

奉和刪脩郎中舅達庵

公明日用不難知解后庵成一賦詩身在山林
志廊廟從來此士得圖機

代內

益光書寄與梁鴻薪粲年：幸可同觸熱忘歸
渾細事笑人應有北窗風

書然芝卷後

為慶君詩清入骨每常吟便學推啟明知篋笥

篇：有百度逢來百度抄

挽周晋仙二首

酷愛金陵二百詩自癡那得使人癡草堂寐：

荆公死泉下相逢試質疑周劇愛予金陵詩似
唐人劉禹錫杜牧之

又似半山更絕妙處似少陵
少陵所謂元之又元也

雪跨冰懸白晝珍生前已自外其身重來不見
長安道猶恐虛空遇若人

到馬塍哭堯章四首

初聞訃告一場悲寫盡心肝在挽詞今日親來

見靈樞對君妻子但如癡

南宮垂上鬢呈：畢竟襴衫不冑青除却樂書
誰殉葬一琴一硯一蘭亭

花按空：但滿塵樂章起草徧窗身孺人侍妾
相持泣安得君歸更肅賓

兒年十七未更事曷日文章能世家賴是小紅
渠已嫁不然啼碎馬塍花

謝月林寄詩次韵

重入都門又許時舊巢新燕欲何之清風忽送

蒼溪便滿紙雲烟七字詩

次韵吕清父錄參

兩脚如麻數日縣家貧上漏復傍穿天公却與
人爭氣賜得青苔百萬錢

次韵知縣兄秋懷三首

便腹應難飽以書今年田穀未寬紆用從相遇
無祇待自起園中櫓我蔬

秋花秋水兩相空白髮于秋更有期三十年來
無世味清脩除是老僧知

靈均心事少陵詩青竹林邊白竹籬自把寒花
看新雁今年強似去年衰

次友人韻

時事紛：一笑中卧看牆外石榴紅誰憐楚客
當年意與把離騷繼國風
先生休恨易俱東弟子方欣色笑同早晚朝廷
議恢復請看裴度在軍中

耕堂弟婦生日二首

偕老盃盞家喜歡酒中純醜浸南山鶯：解作

媯娥唱窗外垂楊是小蠻
了却蠶繅借雪天耜只在屋頭邊青筇綠蟻
相扶醉婦饁夫耕過百年

傷懶巢

車水池邊白尚新重來手帖更精神知他的赴
何方約一去茫茫不告人

小立

飛却青天白鷺鷥短篷相伴月明知只應獨宿
歸來後見我滄洲小立時

春澗曲

點、飛紅逐細流。拾樵烹薦茗，花浮秋來豈不
潺湲。好纜帶猿聲，便是愁。

即事

秋風涼冷自天生，瘦骨吹來病覺輕。數日因忙
偏嗟事不知，庭戶減蟬聲。

所憶

一陂潭水繞花身，淥淨分明照得人。衆憶蔣陵
西曲路，春風相伴兩烏巾。

接齊叟總幹兄觀

人生何者遠空休，如此詩書未白頭。舍棹燈明
烟雨裏，居人那識在原愁。

呈許從道省元

都城握手意弥溫，少小追隨莫更論。一別江湖
重十載，偶然相見欲無言。

存沒口號五首

唐家不靖自牛李，黨籍何勞口舌爭。莫說紛
到元祐古來平，國用阿衡。

百川哀：東赴海學者皆知孔氏宗六籍湮後
吾道喪武陵山下泣寒蛩

白髮蕭：禮部郎風流不減賀知章半生寒餓
湖山裏八十重來坐玉堂

陶山松柏日夜長屋下兒孫漸滿堂當時侍傍
五男子考妣之羹曾未嘗

紫荊一樹花連枝近以手拈動輒隨毋忘在莒
孔懷日可詠陟畱何怙詩

綠陰二首

綠樹陰中石枕頭功成不願割鴻溝君看上蔡
牽黃犬悔殺人間萬戶侯
佳木豐交午陰稠門闌青草沒塔頭道人洗淨
箏琶耳睡起一聲黃栗留

無題四首

綠雲無據玉樓空回首悲歡一夢中為憶當時
衰樣色隔牆嫌見石榴紅
月樣梳橫鬢脚傾弄簫騎雀上青冥歸來自滴
金莖露手寫黃庭一卷經

夢到巫山起較遲花梢日在不多時關心自對
空梁語一個飛來燕子知
樹端浮綠漲連雲青草池亭不見人猶有薔薇
數枝在雖然是夏亦如春

自判此生非醉殺則睡殺耳未知天公肯
見容否作續醉睡句

采石江邊踏鯉魚華山縣裏自騎驢世間非醉
亦非睡白墮黃梁笑渠

兀：蓬、也大奇眼花：處蝶飛、先生飽慣

人間事只麼殘年是解圍

顯山寺

白雲飛繞寺樓鐘點滴清聲露打松童子開門
還報我雀眠猶在窠高峯

遣興

曲徑縈紆入翠林無人風自落來禽山中不記
今為晉一刻清閒直萬金

雨中海棠花放簡馮元咨

天涯萬里春風晚曾上西樓看此花今日東南

無處覓矮筇來問蜀人家

海棠花放簡馮元咨二首

游絲無賴小庭空
夢想君家合樹紅
曾向西川親畫得
舉家終日看屏風

坡仙不作黃州去
更把嫣紅白阿誰
後夜秦莊照華燭
幾時馮圃折高枝

贈韓雪篷

平生未信簡齋詩
一見韓君更不知
六月欵篷問溪雪
眼明開徧兩三枝

春谷

寒谷春生物：均薰然和氣
特相親十年屢作
開花賞重費吹噓
是此人

紅梅四首

游仙一曲夢初回
依舊江南鼎鼐才
歲晚應嫌太孤寂
未妨隨俗引三盃
天與清高孰我過
歲寒只合老岩阿
無端自學閒桃杏
只恐情多事亦多
等觀非白亦非紅
開落那知色自空
綠葉成陰

花又子幾將心事託東風
空墻碧水芳菲處泣盡胭脂恨不銷不遣二妃
陪舜葬故應淚沁雪枝條

綠萼梅

鍊得丹成卸羽衣更餐日彩弄晨曦九疑魂斷
歸無計自倚湘筠醉幾時

又一首

水仙分御六銖衣雪作中單翠作蕤占斷芳園
無兩樹月明倒照浸愁漪

次韵詹仲信梅花

莫教一片復隨波月底風前許細噉花與吾人
本無負吾人自負此花多

次韵邢季允梅花

懷想西湖一樹冰有誰人似此花清何當共泛
波微綠更有同看月正盈

和黃觀復梅白

梅花骨相本通仙何況苔枝綴玉鸞如著宮袍
更蕭洒不應將作女人看

贈棋

不作梅花一句詩今年參透老禪機忽然吹墮
紛：雪又挽寒香撲落暉

和九兄古梅

處女何因髮半華一生藍縷在貧家冷灰豆爆
真奇事枯樹中間忽數花

道上棋

粟棘蓬邊父老家不知來歷便橫斜思量却是
無心種逢著春風偶自花

和趙官管看梅三首

除却梅花不可無梅花之外更何須花中兒女
紛：是惟有梅花是丈夫

縛屋疎：倚柳塘詩腸渾不畏田荒今年天賜
清脩福只嚙棋花一味香

水邊山下懶尋伊折放餅中看一枝一片飛來
霑硯澹似嗔老子不吟詩

揚梅二首

孫梅過畫官梅在下番揚梅獨擅場喚作荔枝

元不是似渠猶著小紅裳
每勤蕝葉護筠籠獨自還丹表裏紅
留與越人供夏祭莫教惡雨打成空

憶楊梅三首

不羨南州錦荔枝雀頭猩血正紅滋
老饕隔歲流涎甚為趣容山半月期
才熟惟應便送官摘來和葉上金盃
病夫病久無靈藥且服丹砂數百丸
夏祭先供項里祠鮮香未噉已聞思
昨宵夢裏

依稀見滿樹薰風重眩枝

悼楊梅

凡物從來遇合難爛甜中故有微酸
自憐生晚空同姓不得揚妃帶笑看

見三山翁插山茶花一朶二首

人老簪花却自然花紅應不厭花顛
世人無此風流樣何止源流二百年
故里歸來一幅巾廟堂誰記此祠臣
却將筆下黃麻意自語山中白髮人

馮生畫荷花

湖上看花意欲迷年、花謝憶花時如今一見
馮生畫早晚看花更不疑

荷花

荷花宮樣美人妝荷葉臨風翠作裳昨夜、涼
涼似水羨渠宛在水中央

瓊花

一樹婆婆種月華夜闌依舊護風沙今年不枉
揚州過曾看夫人廟裏花

采菱

引蕙寒花釣艇妨淅颺錦浪雪溪傍若教揔不
餐烟火只采芳香亦味長

贈耕堂梳子花

六出英、九夏寒短叢香玉映清湍主人自出
無人管輸與冷然隔岸看

桂花四首

手種秋風碧玉成花開如粟水沈驚人間商畧
年、事到底其如一字清

一岩樹色亂秋雲初喜秋風觸鼻根
招隱歸來渾未得老懷索漠剩思君

遠于沈水澹如雲一段清秋孰可分
畢竟素娥留不得人間天上一時聞

東西南北日團圓洗滌肝膈立樹邊
料得癡蟾別有藥只餐金粟徑升天

桂花下

羽服縣知澹不妍五更清吹月明前
明朝多少塵勞事自倚虛簷一悵然

子大送桂花答之

小山月在影團圓滿院清香特地寒
病骨逢秋眠較少五更風露起來看

庭前菊

百葉黃香十月春東籬佳節誤陶中
開花較晚猶羞澀風味依然似主人

送黃木香與九兄二首

冶葉倡條無意度黃香子邊窠空春
折來欲贈空惆悵未遇人間第一人

妃子天紅濕領巾馬嵬遺恨幾番春如何淡素
衣龍袞一似春宮入道人

川墨送兩馮君二首

裕陵故物秦家得再拜摩挲老墨潘今代廷珪
那復見紙窗蛛絡半烏丸
琅玕翠餅敲元笏老我殘磚直愧渠遺似兩馮
論里好管城脫帽却時須

雲川趙使君坐上和賦瀟瀟韻

杏子花開水漫流羨君得意在滄洲莫將文采

供人玩怕入雕籠不自由

來禽

桀：來禽已著花芳根誰從向天涯好尋青李
相遮映風味應同逸少家

寒鴉

萬點飛來繞水村不緣街鼓識黃昏當年口腹
成疎棄却保生前反哺恩

書景

黃衣鶯子一雙飛：到花間立少時此際東風

有情思杏花吹折最繁枝

詠州

天涯隨意綠多，只與牛羊踐踏空挽著便堪
供葯味誰令汝不遇神農

嘉慶庚午二月下幹通小更過眼時年八十有



冷然齋詩集卷

全



辭上萬萬如歸公張公武靈章平聽師公都致
無以難來公天力公力公力公力公力公力公力
海邊遠望：年辭吁真十卷是公事期雖于公辭
無以難來公天力公力公力公力公力公力公力